



No



LIBRARY
OF THE
UNIVERSITY
OF ILLINOIS

xq271.1

B43rga

1783

Emblems

Rare Book & Special
Collections Library



E22

Amblomata

Abbatie Domölkienjis.

REGVLA
EMBLEMATICA
SANCTI BENEDICTI.

OPVS POSTHVMM

ADMODVM REVERENDI PATRIS

BONIFACII GALLNER,


MONACHI BENEDICTINI IN COENOBIO MELLICENSI

NVNC PRIMVM

e Bibliotheca ejusdem coenobii luci publicae datum

A. R. S.

MDCCLXXXIII.



VINDOBONAE,

A P V D

CARL WILHELM HOLLE,

BIBLIOPOLAM VNIVERSITATIS.

1840

B R I T I S H

EMERALD

EMERALD

EMERALD

EMERALD

EMERALD

EMERALD

EMERALD

EMERALD

EMERALD


EMERALD



EMERALD


EMERALD

EMERALD






© Bonifacius Gallner. Del.

Ferd. Landever sculp.



Digitized by the Internet Archive
in 2009 with funding from
University of Illinois Urbana-Champaign





Very faint, illegible text, possibly a title or header, centered on the page.

Very faint, illegible text, possibly a list or a series of entries, located in the lower middle section of the page.

Litterae praecedendi S. Benedicti cruciculae
seu numismati adpictae hoc modo legendae sunt:

CruX **S**acra **S**it **M**ihi **L**ux,
Non **D**raco **S**it **M**ihi **D**ux.

Vade **R**etro **S**athana, **N**unquam **S**uade **M**ihi **V**ana:
Sunt **M**ala, **Q**uae **L**ibas, **I**pse **V**enena **B**ibas.

Constat id ex perantiqua icone S. Benedicti crucem dextra ferentis, cui recitati mox versus integri inscripti sunt. Ecgrahon huius iconis videre licet in Bernardi Pezii nostri Dissertatione isagogica in Tom. I. Thes. anecd. pag. 50. et in Magnoaldi Ziegelbaueri Historia didactica de S. Crucis cultu - - - in ordine D. Benedicti post pag. 234.

VNIVERSIS DIVI BENEDICTI COENOBITARVM
IN OCCIDENTE PARENTIS ALVMNIS
QVOVIS DIGNITATIS SPLENDORE ORNATISSIMIS
SODALIBVS SVIS

SVMMA, QVA DECET, PIETATE, REVERENTIA, HONORE
COLENDIS

BEDA SCHVSTER, MONACHVS MELLICENSIS
ET BIBLIOTHECAE CVSTOS
PERPETVAM FELICITATEM.



Prodit tandem in luminis auras bono potissimum vestro sodales summe reuerendi, quae iam quinquaginta, et quod excurrit amplius, annos inter domesticos parietes nostros latuit, REGVLA EMBLEMATICA S. BENEDICTI a Bonifacio Gallner coenobita Mellicensi summa industria arteque politissima elaborata.

Actum, quod prouerbio vetamur, agerem, si viri huius nobis quidem Mellicensibus aestimatissimi vitam, virtutesque laudandas hic denuo fusciperem, posteaquam Martinus Kropfius sodalis meus *) labore hoc ante me dudum perfunctus egregie fuit. Quoniam

*) In Bibliotheca Mellicensi Pag. 540. et seqq.

niam vero liber iste multis fortasse vestrum aequae ac Gallneri nostri nomen etiamnum ignotus est, vel his saltem non ingratum fuerit, pauca inde huc mutuari.

Atque ut ea potissimum et paene sola commemorem, quae ad rem praesentem faciunt, Riedae celebri Bavariae olim superioris, nunc ditionis Austriacae oppido anno saeculi proximi octavo et septuagesimo die 15. Decembris natus Gallnerus noster iam inde ab anno 1698, quo diui parentis nostri Benedicti institutum in coenobio nostro professus fuit, singulari quodam liberalium artium, atque in primis pictoriae et architectonicae studio tenebatur. Has ut magis magisque ex animi sententia excoleret, Vindobonam superiorum suorum assensu profectus, ibique celeberrimo tum temporis pictore architectoque Andrea Puteo (Pozzo) duce ac magistro usus tantum profecit, ut et augustissimum templum nostrum concinnioris atque elegantioris structurae suae partem non minimam eius ingenio et industriae debeat. Et quanquam ad coenobium suum reuersus viri religiosi sacerdotisque officiis neque prius quicquam, neque antiquius habuit, horumque nullum, quoad usque per valetudinem licuit, diebus ac noctibus neglexit; quicquid tamen ab his reliqui nactus est otii, id omne pingendo, delineando,

scri-

scribendo, aliisque id genus liberalibus et piis laboribus transegit. Inter plura, quae nobis et ingenii et artis reliquit monumenta, praecipuum isthaec est regula, cuius emblemata viuis coloribus elegantissime pinxit, verba vero litterarum formis venustissimis, et tanquam typis expressae forent aeneis, effinxit. Manum eius, non dubium est, quin duxerit venerabundus ille amor, quo in sacram hanc regulam nostram ferebatur, et quo incitatus vita quoque et moribus eandem longe pulchrius et felicius, quam penicillo et calamo expressit. Vel ipsis his ex symbolis, me etiam tacente, colligere praeterea haud admodum difficile fuerit, quam saeuus corporis sui, vt in seruitutem illud redigeret, hostis extiterit.

Nam, ut plura praeteream, vbi victum in sacra regula Cap. 39. nobis praefinitum emblemate illustrat, quanquam augendum hunc etiam, si expediat, abbatis potestati indulgentissimus legislator noster relinquit, trium tamen ferculorum postremum ad voluptatem suppeditari asserit, quippe cui ipsi, vt ecclesia de Sanctis ordinis nostri canit *)

- - - - Olus cibaria
Fuere vel legumina,
Potumque lympa praebuit,
Humusque dura lectulum;

post-

*) Die 13. Nou. memoria SS. monachorum Ord. S. Ben. sacro.

postquam vltimis viginti vitae suae annis omnem sibi carnis, vini, lectique vsum, annuentibus tamen, e quorum arbitrio vnice viuebat, superioribus, interdixit. Ex tanta victus parsimonia, aliisque corporis afflictationibus labefactatam in breui valetudinem patientissime decennium integrum ferens iam anno 1727. die 8. Aprilis quinquagenario minor mortem piissime obiit.

Iam quod ad praefens Gallneri nostri opus atinet, quotquot illius archetypon ceu haud postremum bibliothecae nostrae ornamentum spectandum interea temporis exhibebatur, paene singuli, semel illud vidisse, nequaquam satis sibi esse affirmabant, et vel iccirco votis omnibus expetebant, vt in aere incisum cum publico communicaretur. Ne autem, quam verius, haec a me dicta speciosius existimetis sodales cum primis mihi obseruandi, vnum Magnoldum Ziegelbauerum nostrum notissimum vobis, totique orbi erudito nomen appellasse suffecerit. Is Historiae litterariae ordinis S. Benedicti Parte IV. pag. 493. inter nostratum historiae iconologicae scriptorum opera et haec Gallneri emblemata *elegantissime picta commemorans Manuscriptum in folio*, inquit, *dignum omnino, vt aere incisum sodalibus nostris ob oculos constituatur; meos certe aliquando visum mire oblectauit.*

Mul-

Multorum adeo, atque hos inter virorum etiam summa auctoritate pollentium desiderio acquiescendum tandem ratus Reuerendissimus et Amplissimus D. Vrbanus Abbas meus nullis, quae effusa Maecenatis huius summe mihi venerandi in promouendas litteras, ingenuasque artes omnes liberalitas est, sumtibus pepercit, vt posthumum hoc Gallneri nostri opus accurata hac nitida editione vulgaretur.

Iam verò fore, vt illud vestros quoque sodales omni mihi honore prosequendi, aequae ac Ziegelbaueri oculos, quin et animum oblectetur, non vna de causa, vt mihi persuadeam, facile adducor.

Nam primum inter innumeras prope virorum eruditorum, quibus sacram regulam nostram ad haec vsque tempora explicarunt, illustrarunt, lucubrationes haec Regula emblematica, quod equidem sciam, in hoc argumenti genere prima est. Nae si quis alius prior id genus laborem in se suscepisset, neque clarissimus Calmetus noster in longissimo ac operosissimo auctorum, qui in verba sanctissimi legislatoris nostri commentati sunt, indice, neque eruditissimus Ziegelbauerus in laudata superius Historia litteraria id reticuisset. Dissimulare tamen hic non debeo, Chrysofomum Hanthalerum doctissimum in celeberrimo Campo liliorum Cisterciensem

coeno-

coenobitam iam anno huius saeculi altero et quadragésimo *Quinquagenam Symbolorum heroicam*, ita librum hunc suum inscripsit, *in praecipua capita et dogmata S. Regulae. - - S. Benedicti* edidisse. Sed et ipsum hoc opus, etsi citius iuris publici factum, serius tamen ac praesens Gallneri nostri elaboratum fuisse, vel exinde constat, quod hic iam anno supra millesimum septingentesimum septimo et vicesimo diem suum expleuerit.

Deinde num vobis sodales maxime colendi esse acceptius quicquam his, quae spectanda vobis offeruntur, emblematis praecipue ob grauissimum, vobisque adeo, vt nemini magis proprium, quo collineant argumentum esse censeam? Est enim hoc non aliud, quam lex illa a sanctissimo parente nostro *omnium iustorum Spiritu pleno* *) nobis lata, sub qua militare dudum vltro diuino ducti numine decreuimus, et in qua dies noctesque meditari volupe vtique propterea nobis fit, quod ea, quae praecipit, *facientibus nobis regna patebunt aeterna*.

Quamquam ipsa porro emblemata, siue pictoris nostri in eis manum, siue ingenium attendere, atque ad eas, quas Menetrierii, **) Bouhourfii, ***) alii-
que

*) S. Gregorius M. lib. II. Dialog.

**) La Science des Emblemes.

***) Liure intitulé: Entretiens d'Ariste et d'Eugene.

que symbolographi tradidere huius artis regulas examinare illa volueritis, valde probaturos vos confido, Horatiani praesertim illius memores:

- - Vbi plura nitent in carmine, non ego paucis
Offendar maculis.

Accedere huc putem, quod haec emblemata etiam artificiosissimo sculptoris stylo affabre adeo exarata sint, ut praeter eam, quam viui colores, ut solent, maiorem archetypo conciliant, gratiam in ectypo isto nihil admodum quis iure requirat.

Sed affatim prorsus de his, ne merces nostras inani laudatione obtrudere aliis velle videar.

Haud tamen nunc scio, an aequè probaturi sitis sodales maxime reuerendi, verba sanctissimi legislatoris nostri integra emblematis adiuncta fuisse. His enim, cum ceteroqui toties typis exscripta sint, et mentibus vestris dudum haereant, prela denuo fatiganda non fuisse, suffecisseque, locos seu versus illos solos apponere, qui emblematis illustrantur, obiicere quispiam possit. Sed erit fortassis, ut et alterius instituti sacri homines, quin et profani emblemata haec conspectu suo, considerationeque digna arbitrentur. Magnum certe Etruriae ducem Cosmum I. de Medicis *S. Benedicti regulam assidue in manibus versasse, quod ex tam prudentibus (ut huius rei causam sciscitantibus respondit) S. Patris*
prae-

*praescriptionibus ad populos suae fidei concreditos valde accommodata media caperet, Thomas Galetus, *) id quod dudum vobis notissimum est, testatur. Minus vero istis, si truncata solum S. Regulae verba emblematicis subiuncta hic deprehenderent, consultum fore, posterius vobis dixerim, quam mihi credatis.*

Atque ex his patere abunde opinor, id vnum, vt rem aliis gratam, vtilemque faceremus, in huius nos opusculi editione intendisse, affirmareque vere cum Poeta posse:

- - - - - Non gloria nobis
Causa sed vtilitas, officiumque fuit.

Nihil itaque optandum nunc nobis magis, fides omni pietate, reuerentia, honore mihi colendi, quam vt eodem, quo a nobis offertur, animo, id est, optimo illud etiam suscipiatis. Valete! Ex bibliotheca coenobii Mellicensis die 2. Iunii, anno 1780.



REGV-

*) Libro, qui inscribitur Religiosus cap. I.

REGVLA

EMBLEMATICA

S. P.

BENEDICTI.



ANIMIS ILLABERE NOSTRIS!

I.




Excita Domine in Ecclesia tua Spiritum, cui B. Benedictus Abbas seruiuit: ut eodem nos repleti, studeamus amare, quod amauit, et opere exercere, quod docuit, Amen. SANCTISSIMI MONACHORVM PATRIS BENEDICTI IN REGVLAM SVAM PROLOGVS. Ausculta, o fili, praecepta Magistri, et inclina aurem cordis tui: et admonitionem pii Patris libenter excipe, et efficaciter comple: ut ad eum per obedientiae laborem redeas, a quo per inobedientiae desidiam recesseras. Ad te ergo nunc meus sermo

THE GREAT OCEAN




When the sun is in the tropic of Cancer, the day is longest in the northern hemisphere, and shortest in the southern hemisphere. At the equator, the day is always of equal length, twelve hours.



PETITE ET ACCIPIETIS.

II.



dirigitur, quisquis abrenuntians propriis voluntatibus Domino Christo vero Regi militaturus, obedientiae fortissima, atque praeclara arma assumis. *In primis, ut quidquid agendum inchoas bonum, ab eo perfici instantissima oratione deposcas:* ut qui nos iam in filiorum dignatus est numero computare, non debeat aliquando de malis actibus nostris contristari. Ita enim ei omni tempore de bonis suis in nobis parendum est: ut non solum ut iratus pater, non aliquando filios suos exheredet; sed nec ut me-



AH NON PERTRANSEAT!

III.



tuendus Dominus irritatus malis nostris, ut nequissimos seruos perpetuam tradat ad poenam, qui eum sequi noluerint ad gloriam. Exsurgamus ergo tandem aliquando, excitante nos Scriptura, ac dicente: *Hora est iam nos de somno surgere.* Et apertis oculis nostris ad deificum lumen, attonitis auribus audiamus, diuina quotidie clamans, quid nos admoneat vox dicens: Hodie si vocem eius audieritis, nolite obdurare corda vestra. Et iterum: Qui habet aures audiendi, audiat, quid Spiritus dicat Ecclesiis.




QVI SEQVITVR, NON AMBVLAT IN TENEBRIS.

IV.




Et quid dicit? Venite filii, audite me, timorem Domini docebo vos. *Currite, dum lumen vitae habetis, ne tenebrae mortis vos comprehendant.* Et quaerens Dominus in multitudine populi, cui haec clamat, operarium suum, iterum dicit: Quis est homo, qui vult vitam, et cupit videre dies bonos? Quod si tu audiens respondeas, ego: dicit tibi DEUS: Si vis habere vitam, prohibe linguam tuam a malo, et labia tua ne loquantur dolum. Diuerte a malo, et fac bonum: inquire pacem, et




MONSTRAT ITER.

V.




sequere eam. Et cum haec feceritis, oculi mei super vos, et aures meae ad preces vestras: et antequam me inuocetis, dicam, ecce adsum. Quid dulcius nobis hac voce Domini inuitantis nos, fratres charissimi? *Ecce pietate sua demonstrat nobis Dominus viam vitae.* Succinctis ergo fide, vel obseruantia bonorum actuum lumbis nostris, et calceatis pedibus, per ducatum Euan-gelii pergamus itinera eius: vt mereamur eum, qui nos vocauit, in regno suo videre. In cuius regni tabernaculo si volu-




RESPONDENT INTIMA FRONTI.

VI.



mus habitare, nisi illuc bonis actibus curritur, minime peruenitur. Sed interrogemus cum Propheta Dominum, dicentes ei: Domine, quis habitabit in tabernaculo tuo: aut *quis requiescet in monte sancto tuo?* Post hanc interrogationem, fratres, audiamus Dominum respondentem, et ostendentem nobis viam ipsius tabernaculi, ac dicentem: *Qui ingreditur sine macula, et operatur iustitiam: qui loquitur veritatem in corde suo: qui non egit dolum in lingua sua: qui non fecit proximo suo*





LVMEN AB ILLO.

VII.



malum, et opprobrium non accepit aduersus proximum suum. Qui malignum diabolum aliqua suadentem sibi, cum ipsa suafione sua a conspectibus cordis sui respuens, deduxit ad nihilum, et paruulos cogitatus eius tenuit, et allisit ad Christum. Qui timentes Dominum de bona obseruantia sua non se reddunt elatos: sed *ipsa in se bona, non a se posse, sed a Domino fieri existimantes, operantem in se Dominum magnificant*, illud cum Propheta dicentes: Non nobis Domine,

ROYAL SOCIETY

1660



The first meeting of the Royal Society was held on 28th December 1660, in the house of Christopher Wren, at Gresham College, London. The members of the society were known as the 'Invisible College' and were dedicated to the study of natural philosophy. The society's motto is 'Nullius in verba', which means 'No man's word'.



NON COMMOVEBITVR.

VIII.



non nobis: sed nomini tuo da gloriam. Sicut nec Apostolus Paulus de praedicatione sua sibi aliquid imputavit, dicens: Gratia DEI sum id, quod sum. Et iterum ipse dicit: qui gloriatur, in Domino gloriatur. *Vnde et Dominus in Euangelio ait: Qui audit verba mea haec, et facit ea, similabo eum viro sapienti, qui aedificavit domum suam supra petram: venerunt flumina, flauerunt venti, et impegerunt in domum illam, et non cecidit: fundata enim erat supra petram.* Haec complens Dominus,

THE UNIVERSITY OF CHICAGO PRESS

1910



THE UNIVERSITY OF CHICAGO PRESS
54 EAST LAKE STREET
CHICAGO, ILL. U.S.A.
LONDON: H. K. LEWIS, 15, BEDFORD SQUARE, W.1



DVM TEMPVS EST, OPEREMVR.

IX.




expectat nos quotidie, his suis sanctis monitis factis nos respondere debere. *Ideo nobis propter emendationem malorum, huius dies vitae ad inducias relaxantur*, dicente Apostolo: An nescis, quia patientia DEI ad poenitentiam te adducit? Nam pius Dominus dicit: Nolo mortem peccatoris, sed vt conuertatur, et viuat. Cum ergo interrogassemus Dominum, fratres, de habitatore tabernaculi eius, audiuius habitandi praeceptum: sed, si compleamus habitatoris officium, erimus heredes regni caelo-



IN EO QVI CONFORTAT.

X.



rum. Ergo praeparanda sunt corda, et corpora nostra sanctae praeceptorum obedientiae militatura: *et quod minus habet in nobis natura possibile, rogemus Dominum, ut gratiae suae iubeat nobis adiutorium ministrare.* Et si fugientes gehennae poenas ad vitam perpetuam volumus peruenire; dum adhuc vacat, et in hoc corpore sumus, et haec omnia per hanc lucis vitam vacat implere; currendum, et agendum est modo, quod in perpetuum nobis expediat. Constituenda est ergo a nobis dominici schola seruitii:






FERIT, VT EFFICIAT.

XI.



in qua institutione nihil asperum, nihilque graue nos constituturos speramus. Sed *etsi quid paululum restrictius dictante aequitatis ratione, propter emendationem vitiorum, vel conseruationem charitatis processerit; non illico pauore perterritus refugias viam salutis, quae non est nisi angusto initio incipienda: Processu vero conuersationis, et fidei, dilatato corde, inenarrabili dilectionis dulcedine, curritur via mandatorum DEI: vt ab ipsius nunquam magisterio discedentes, in eius doctrina vsque ad mor-*



SECUNDVM GENVS. O VERE!

XII.




tem in monasterio perseverantes, passionibus Christi per patientiam participemus; ut et regni eius mereamur esse consortes.

CAPVT I.


DE GENERIBVS, VEL VITA MONACHORVM.

Monachorum quatuor esse genera, manifestum est. Primum coenobitarum: hoc est, monasteriale, militans sub regula, vel abbate. *Deinde secundum genus est anachoretarum, id est, eremitarum:* horum, qui non conuersionis feruore nouitio, sed mo-



SINE REGVLA.


XIII.



nafterii probatione diuturna, didicerunt contra diabolum multorum
folatio iam docti pugnare: et bene instructi fraterna ex acie ad singu-
larem pugnam eremi, securi iam sine consolatione alterius, sola ma-
nu, vel brachio, contra vitia carnis, vel cogitationum, DEO auxi-
liante, sufficiunt pugnare. *Tertium vero monachorum deterrimum
genus est Sarabaitarum, qui nulla regula approbati, experientia ma-
gistri, sicut aurum fornacis; sed in plumbi natura molliti adhuc operi-
bus seruantes saeculo fidem, mentiri DEO per tonsuram noscuntur.*



Faint text block located below the circular diagram, consisting of several lines of illegible text.



NVNQVAM STABILES.

XIV.



Qui bini, aut terni, aut certe singuli sine pastore, non dominicis, sed suis inclusi ouilibus, pro lege eis est desideriorum voluptas: cum quidquid putauerint vel elegerint, hoc dicunt sanctum; et quod noluerint, hoc putant non licere. *Quartum vero genus est monachorum, quod nominatur gyrouagum, qui tota vita sua per diuersas prouincias ternis, aut quaternis diebus per diuersorum cellas hospitantur, semper vagi, et nunquam stabiles, et propriis voluptatibus, et gulae illecebris seruientes, et per omnia deteriores Sarabaitis.* De quorum omnium




Faint, illegible text or a watermark impression located below the circular seal, possibly containing a signature or a block of text.

MAIOR MAIORA.

XV.



miserrima conuersatione, melius est filere, quam loqui. His ergo omiſſis, ad coenobitarum fortiffimum genus diſponendum, adiuuante Domino veniamus. CAPVT II. QVALIS DEBEAT ESSE ABBAS. *Abbas, qui praeſſe dignus eſt monaſterio, ſemper meminifſe debet, quod dicitur: et nomen maioris, factis implere, Chriſti enim agere vices in monaſterio creditur, quando ipſius vocatur praeſnomine, dicente Apoſtolo: accepifſis ſpiritum adoptionis filiorum, in quo clamamus, Abba Pater. Ideoque Abbas nihil extra*



GRAVIS EST DISCVSSIO RERVM.

XVI.




praecceptum Domini (quod absit) debet aut docere, aut constitue-
re, vel iubere: sed iussio eius, vel doctrina, fermentum diuinae
iustitiae in discipulorum mentibus conspergatur. *Memor sit semper*
Abbas, quia doctrinae suae, vel discipulorum obedientiae, utrarum-
que rerum in tremendo iudicio DEI facienda erit discussio. Sciatque
Abbas culpae pastoris incumbere, quidquid in ouibus paterfami-
lias utilitatis minus potuerit inuenire. Tantum iterum liber erit, ut, si
inquieta vel inobedienti gregi pastoris fuerit omnis diligentia attri-

1784




W. C. H. H.

1784




[Faint, illegible text at the bottom of the page, possibly bleed-through or a separate section.]



FACTIS AMPLIUS, QVAM VERBIS.

XVII.



buta, et morbidis earum actibus vniuersa fuerit cura exhibita: pastor earum in iudicio Domini absolutus dicat cum propheta Domino: iustitiam tuam non abscondi in corde meo, veritatem tuam, et salutare tuum dixi: ipsi autem contemnentes spreuerunt me. Et tunc demum inobedientibus curae suae ouibus poena fit praeualens ipsa mors. *Ergo cum aliquis suscipit nomen Abbatis, duplici debet doctrina suis praeesse discipulis; id est, omnia bona, et sancta, factis amplius, quam verbis ostendat: vt capacibus discipulis mandata*

CHAPTER I

1776




The following text is extremely faint and illegible, appearing as several lines of horizontal lines within the page's border.



AEQVVS IN OMNES.

XVIII.




Domini verbis proponat: duris vero corde, et simplicioribus factis suis diuina praecepta demonstret. Omnia vero, quae discipulis docuerit esse contraria, in suis factis indicet non agenda; ne aliis praedicans, ipse reprobus inueniatur. Nequando dicat illi DEVS peccanti: Quare tu enarras iustitias meas, et assumis testamentum meum per os tuum? Tu vero odisti disciplinam, et proiecisti sermones meos post te. Et qui in fratris tui oculo festucam videbas, in tuo trabem non vidisti. *Non ab eo persona in monasterio discernatur.* Non

ROYAL SOCIETY

OF LONDON



... ..
... ..
... ..
... ..
... ..
... ..
... ..
... ..
... ..
... ..



SVB VNO DOMINO.

XIX.



vnus plus ametur, quam alius: nisi quem in bonis actibus, aut obedientia inuenerit meliorem. Non praeponatur ingenuus ex seruitio conuertenti, nisi alia rationabilis causa existat. Quodsi, ita iustitia dictante, Abbati visum fuerit; et de cuiuslibet ordine id faciat: sin alias, propria teneant loca: quia *sive seruus, sive liber, omnes in Christo vnus sumus: et sub vno Domino, aequalem seruitutis militiam baiulamus: quia non est personarum acceptio apud DEVM.* Solummodo in hac parte apud ipsum discernimur, si meliores aliis

MEMORANDUM

1845




Very faint, illegible text, likely bleed-through from the reverse side of the page. The text appears to be organized into several lines or paragraphs.




SECUNDVM MERITA.

XX.



in operibus bonis, et humiles inueniamur. Ergo aequalis sit ab eo omnibus charitas: vna praebetur in omnibus, *secundum merita*, disciplina. In doctrina namque sua Abbas apostolicam debet illam semper formam seruire, in qua dicit: Argue, obsecra, increpa, id est, *miscens temporibus tempora, terroribus blandimenta*: durum magistri, pium patris ostendat affectum: id est indisciplinatos, et inquietos debet durius arguere: obedientes autem, et mites, et patientes, vt in melius proficiant, obsecrare: negligentes autem,



MOX VT ORIVNTVR.

XXI.



et contemntes, vt increpet, et corripiat, admonemus. *Neque dissimulet peccata delinquentium: sed mox, vt coeperint oriri, radicitus ea, vt praeualet, amputet*: memor periculi Heli sacerdotis de Silo. Et honestiores quidem, atque intelligibiles animos, prima vel secunda admonitione verbis corripiat: improbos autem, et du-ros corde, ac superbos, vel inobedientes, verberum, vel corporis castigatione in ipso initio peccati coerceat: sciens scriptum; stultus verbis non corrigitur. Et iterum: Percute filium tuum vir-

OBSECRANDO, INCREPANDO.

XXII.




ga, et liberabis animam eius a morte. Meminisse debet semper Abbas quod dicitur: et scire, quia cui plus committitur, plus ab eo exigitur. *Sciatque, quam difficilem, et arduam rem suscepit, regere animas, et multorum seruire moribus. Et alium quidem blandimentis, alium vero increpationibus, alium suasionibus, et secundum uniuscuiusque qualitatem, vel intelligentiam, ita se omnibus conformet, et aptet, ut non solum detrimenta gregis sibi commissi non patiat, verum etiam in augmentatione boni gregis gaudeat. Ante omnia, ne*



ANIMAS ANIMAS.

XXIII.




dissimulans, aut parupendens salutem animarum sibi commissarum, plus gerat sollicitudinem de rebus transitoriis, et terrenis, atque caducis: sed *semper cogitet, quia animas suscepit regendas, de quibus et rationem redditurus est.* Et ne causetur de minore forte substantia, meminerit scriptum; primum quaerite regnum DEI, et iustitiam eius, et haec omnia adiicientur vobis. Et iterum: Nihil deest timentibus eum. *Sciatque, quia qui suscipit animas regendas, paret se ad rationem reddendam.* Et quantum sub cura sua fra-



PRO SE, ET PRO ALIIS.

XXIV.



trum se habere *scierit numerum, agnoscat pro certo, quia in die iudicii ipsarum omnium animarum redditurus est Domino rationem, sine dubio addita, et suae animae*: et ita semper timens futuram dicussionem pastoris de creditis ouibus, cum de alienis ratiociniis cauet, redditur de suis sollicitus. Et cum de admonitionibus suis emendationem aliis subministrat, ipsi efficitur a vitiis emendatus.

CAPVT III. DE ADHIBENDIS AD CONSILIVM FRATRIBVS. Quoties aliqua praecipua agenda sunt in monasterio, conuocet Abbas

THE UNIVERSITY OF CHICAGO

PHYSICS DEPARTMENT

1954




RECEIVED

LIBRARY OF THE UNIVERSITY OF CHICAGO
PHYSICS DEPARTMENT
5708 S. UNIVERSITY AVENUE
CHICAGO, ILLINOIS 60637



SPIRAT VBI VVLT.

XXV.




omnem congregationem, et dicat ipse, vnde agitur. Et audiens consilium fratrum, tractet apud se; et quod vtilius iudicauerit, faciat. *Ideo autem omnes ad consilium vocari diximus: quia saepe iuniori Dominus reuelat, quod melius est.* Sic autem dent fratres consilium cum omni humilitatis subiectione, vt non praesumant procaciter defendere, quod eis visum fuerit: sed magis in Abbatis pendeat arbitrio; vt quod salubrius iudicauerit esse, ei cuncti obediant. Sed sicut discipulis conuenit obedire magistro, ita et ipsum prouide, et




OMNES SEQUANTVR.

XXVI.




iuste condecet cuncta disponere. *In omnibus igitur omnes magistrum sequantur regulam : neque ab ea temere declinetur a quoquam.* Nullus in monasterio proprii sequatur cordis voluntatem ; neque praesumat quisquam cum Abbate suo proterue intus , vel foris monasterium contendere. Quodsi praesumpserit , regulari disciplinae subiaceat. Ipse tamen Abbas cum timore DEI, et obseruatione regulae omnia faciat ; sciens se procul dubio de omnibus iudiciis suis aequissimo iudici DEO rationem redditurum. Siqua vero minora






TOTA VIRTUTE.

XXVII.



agenda sunt in monasterii vtilitatibus, seniorum tantum vtatur consiliis, sicut scriptum est: omnia fac cum consilio, et post factum non poenitebis. CAPVT IV. QVAE SINT INSTRVMENTA BONORVM OPERVM? *In primis Dominum Deum diligere extoto corde, tota anima, tota virtute.* 2. Deinde proximum tanquam se ipsum. 3. Deinde non occidere. 4. Non adulterari. 5. Non facere furtum. 6. Non concupiscere. 7. Non falsum testimonium dicere. 8. Honorare omnes homines. 9. Et quod sibi quis



NIHIL PRAEPO NATVR.

XXVIII.



feri non vult, alii non faciat. 10. Abnegare semet ipsum sibi, vt sequatur Christum. 11. Corpus castigare. 12. Delicias non amplecti. 13. Ieiunium amare. 14. Pauperes recreare. 15. Nudum vestire. 16. Infirmum visitare. 17. Mortuum sepelire. 18. In tribulatione subuenire. 19. Dolentem consolari. 20. A saeculi actibus se facere alienum. 21. *Nihil amori Christi praeponere.* 22. Iram non perficere. 23. Iracundiae tempus non reseruare. 24. Dolum in corde non tenere. 25. Pacem falsam non dare. 26. Charitatem non derelinque-



B E A T I .

XXIX.



re. 27. Non iurare, ne forte periuret. 28. Veritatem ex corde, et ore proferre. 29. Malum pro malo non reddere. 30. Iniuriam non facere; sed et factam patienter sufferre. 31. Inimicos diligere. 32. Maledicentes se non remaledicere, sed magis benedicere. 33. *Persecutiones pro iustitia sustinere.* 34. Non esse superbum. 35. Non violentum. 36. Non multum edacem. 37. Non somnolentum. 38. Non pigrum. 39. Non murmurosum. 40. Non detractorem. 41. Spem suam DEO committere. 42. Bonum aliquod in se cum viderit,

Fig. 1




PLATE I
Fig. 1
A faint, circular diagram or illustration, possibly representing a globe or a celestial body, centered on the page.




OMNIA LVSTRAT.

XXX.



DEO applicet, non sibi. 43. Malum vero semper a se factum sciat, et sibi reputet. 44. Diem iudicii timere. 45. Gehennam expauescere. 46. Vitam aeternam omni concupiscentia spirituali desiderare. 47. Mortem quotidie ante oculos suspectam habere. 48. Actus vitae suae omni hora custodire. 49. *In omni loco DEVM se respicere, pro certo scire.* 50. Cogitationes malas cordi suo aduenientes mox ad Christum allidere, 51. Et seniori spirituali patefacere. 52. Os suum a malo, et prauo eloquio custodire. 53. Multum loqui non






ETIAMSI (QVOD ABSIT.)

XXXI.



amare. 54. Verba vana aut risui apta non loqui. 55. Risum multum, aut excussum non amare. 56. Lectiones sanctas libenter audire. 57. Orationi frequenter incumbere. 58. Mala sua praeterita cum lacrymis, vel gemitu quotidie in oratione DEO confiteri: de ipsis malis de cetero emendare. 59. Desideria carnis non perficere; voluntatem propriam odire. 60. *Praeceptis Abbatis in omnibus obedire, etiamsi ipse aliter (quod absit) agat; memores illud dominicum praeceptum: Quae dicunt facite; quae autem faciunt, facere nolite.* 61. Non



NON, QVIA SCRIPTA, BEANT.

XXXII.



velle dici sanctum, antequam fit: sed prius esse, quod verius dicatur.
62. *Praecepta DEI factis quotidie adimplere.* 63. Castitatem amare.
64. Nullum odire. 65. Zelum non habere; invidiam non exercere.
66. Contentionem non amare. 67. Elationem fugere. 68. Seniores
venerari. 69. Iuniores diligere. 70. In Christi amore pro inimicis
orare. 71. Cum discordante ante solis occasum in pacem redire. 72.
Et de DEI misericordia numquam desperare. Ecce haec sunt instru-
menta artis spiritualis: quae cum fuerint a nobis die, noctuque in-

THE UNIVERSITY OF CHICAGO

PHYSICS DEPARTMENT




THE UNIVERSITY OF CHICAGO
PHYSICS DEPARTMENT
530 SOUTH EAST ASIAN AVENUE
CHICAGO, ILLINOIS 60607
TEL: 773-936-3700
WWW.PHYSICS.UCHICAGO.EDU





DILIGENTIBVS.

XXXIII.



cessabiliter adimpleta, et in die iudicii reassignata; illa merces nobis a Domino recompensabitur, quam ipse promisit: *quod oculus non vidit, nec auris audiuit, nec in cor hominis ascendit, quae praeparauit* DEVS his, qui diligunt eum. Officina vero, vbi haec omnia diligenter operemur, claustra sunt monasterii, et stabilitas in congregatione. CAPVT V. DE OBEDIENTIA. Primus humilitatis gradus, est obedientia sine mora. Haec conuenit his, qui nihil sibi a Christo carius aliquid existimant propter seruitium sanctum, quod professi sunt, seu





MORAM PATI NESCIUNT.

XXXIV.




propter metum gehennae, vel gloriam vitae aeternae: innox ut aliquid imperatum a maiore fuerit, *ac si diuinitus imperetur, moram pati nesciunt in faciendo.* De quibus Dominus dixit: *in auditu auris obediuit mihi.* Et iterum dicit doctoribus: Qui vos audit, me audit. Ergo hi tales relinquentes statim, quae sua sunt, et voluntatem propriam deserentes, mox ex occupatis manibus, et quod agebant imperfectum relinquentes; vicino obedientiae pede, iubentis vocem factis sequuntur: et veluti uno momento praedicta magistri iussio, et




DVCIT AD VITAM.

XXXV.



perfecta discipuli opera in velocitate timoris DEI, ambae res communiter citius explicantur; quibus ad vitam aeternam gradiendi amor incumbit. Ideo angustam viam arripiunt: unde Dominus ait: angusta via est, quae ducit ad vitam: ut non suo arbitrio viuentes, vel desideris suis, et voluptatibus obedientes, sed ambulantes alieno iudicio, et imperio, in coenobiis degentes, Abbatem sibi praeesse desiderant. Sine dubio hi tales illam Domini imitantur sententiam, qua dicit: Non veni facere voluntatem meam, sed eius, qui misit me. Sed haec ipsa





NON TREPIDE, NON TEPIDE.

XXXVI.




obedientia tunc acceptabilis erit DEO, et dulcis hominibus, si, quod iubetur, non trepide, non tarde, non tepide, aut cum murmure, vel cum responso nolentis efficiatur: quia obedientia, quae maioribus praebetur, DEO exhibetur. Ipse enim dixit: Qui vos audit, me audit. Et cum bono animo a discipulis praebere oportet; quia hilarem datorem diligit DEVS. Nam cum malo animo si obediat discipulus, et non solum ore, verum etiam in corde si murmurauerit; etsi impleat iussionem, tamen acceptum iam non





VT NON DELINQVAM.

XXXVII.



erit DEO, qui cor respicit murmurantis. Et pro tali facto nullam consequitur gratiam, immo poenam murmurantium incurrit, si non cum satisfactione emendauerit. CAPVT VI. DE TACITVRNITATE. *Faciamus, quod ait Propheta: Dixi, custodiam vias meas, vt non delinquam in lingua mea: posui ori meo custodiam: obmutui, et humiliatus sum, et filii a bonis.* Hic ostendit Propheta, si a bonis eloquiis interdum propter taciturnitatem debet tacere; quanto magis a malis verbis propter poenam peccati debet cessare. Ergo quamuis



Very faint text, likely a legend or description of the diagram's components.




IN MANIBVS LINGVAE.

XXXVIII.



de bonis et sanctis, et aedificationum eloquiis, perfectis discipulis propter taciturnitatis grauitatem rara loquendi concedatur licentia, quia scriptum est: In multiloquio non effugies peccatum. Et alibi; *Mors, et vita in manibus linguae.* Nam loqui, et docere, magistrum condecet; tacere, et audire, discipulo conuenit. Et ideo, si qua requirenda sunt a Priore, cum omni humilitate, et subiectione reuerentiae requirantur, ne videatur plus loqui, quam expedit. Scurrilitates vero, vel verba otiosa, et risum mouentia, aeterna clausura in



HVMILIABITVR.

XXXIX.




omnibus locis damnamus: et ad talia eloquia discipulum aperire os non permittimus. CAPVT VII. DE HVMILITATE. *Clamat nobis diuina scriptura, fratres, dicens: omnis, qui se exultat, humiliabitur; et qui se humiliat, exaltabitur.* Cum haec ergo dicit, ostendit nobis omnem exaltationem genus esse superbiae: quod se cauere Propheta indicat dicens: Domine, non est exaltatum cor meum, neque elati sunt oculi mei, neque ambulauit in magnis, neque in mirabilibus super me. Sed quid? si non humiliter sentiebam, sed exaltaui ani-



AD SVMMVM PER IMVM.

XL.



mam meam, sicut ablactatus super matre sua, ita retribues in animam meam. Vnde fratres *si summae humilitatis volumus culmen attingere, et ad exaltationem illam caelestem, ad quam per praesentis vitae humilitatem ascenditur, volumus feliciter peruenire, actibus nostris ascendentibus scala illa erigenda est, quae in somnio Iacob apparuit, per quam ei descendentes, et ascendentes Angeli monstrabantur. Non aliud sine dubio descensus ille et ascensus a nobis intelligitur, nisi exaltatione descendere, et humilitate ascendere. Scala vero ipsa*

Handwritten text at the top of the page, possibly a title or header.

Second line of handwritten text, likely a subtitle or introductory line.

A small handwritten mark or number centered below the text.




Several lines of very faint handwritten text located at the bottom of the page, possibly a conclusion or a list of items.



CONTEMNENTIBVS.

XLI



erecta, nostra est vita in saeculo : quae humiliato corde a Domino erigitur ad caelum. Latera enim eiusdem scalae, dicimus nostrum esse corpus, et animam; in qua latera diuersos gradus humilitatis, vel disciplinae euocatio diuina ascendendos inseruit. *Primus itaque humilitatis gradus est, si timorem DEI sibi ante oculos semper ponens, obliuionem omnino fugiat : et semper sit memor omnium, quae praecepit DEVS: et qualiter contemntes DEVM, in gehennam pro peccatis incidunt, et vitam aeternam, quae timentibus DEVM praepara-*



CVNCTA PATENT.


XLII.



ta est, animo suo semper euoluat. Et custodiens se omni hora a peccatis et vitiis, id est, cogitationum, linguae, oculorum, manuum, pedum, vel voluntatis propriae; sed et desideria carnis amputare festinet. *Aestimetur se homo de caelis semper a DEO respici omni hora, et facta sua in omni loco ab aspectu diuinitatis videri, et ab Angelis omni hora renunciari. Demonstrat nobis hoc Propheta, cum in cogitationibus nostris ita DEVM semper praesentem ostendit, dicens: scrutans corda, et renes DEVS.* Et iterum: Dominus nouit cogi-


A LONGE.

XLIII.




tationes hominum, quoniam vanae sunt. Et item dicit: *Intellexisti cogitationes meas a longe*: et quia cogitatio hominis confitebitur tibi. Nam ut sollicitus sit circa cogitationes suas peruerfas, dicat semper utilis frater in corde suo: Tunc ero immaculatus coram eo, si obseruauero me ab iniquitate mea. Voluntatem vero propriam ita facere prohibemur, cum dicit scriptura nobis: *Et a voluntatibus tuis auertere*. Et iterum: *Rogamus DEVM in oratione, vt fiat illius voluntas in nobis*. Docemur ergo merito non facere






HABD SEMITA RECTA.

XLIV.




nostram voluntatem; cum cauemus illud, quod dicit sancta Scriptura: *sunt viae, quae videntur hominibus rectae; quarum finis usque ad profundum inferni demergit.* Et cum item cauemus illud, quod de negligentibus dictum est: *Corrupti sunt, et abominabiles facti sunt in voluntatibus suis.* In desideriis vero carnis ita nobis DEVM credamus semper esse praesentem, cum dicit Propheta Domino: *Ante te est omne desiderium meum.* Cauendum ergo ideo malum desiderium, quia *mors secus introitum delectationis posita est.* Vn-



NIHIL LVCRATI INVTTILES FACTI.

XLV.



de Scriptura praecipit, dicens: Post concupiscentias tuas non eas. Ergo si oculi Domini speculantur bonos, et malos, et Dominus de caelo semper respicit super filios hominum, vt videat, si est intelligens, aut requirens DEVM: et si ab Angelis nobis deputatis quotidie die noctuque Domino factori nostro opera nostra nunciantur; *cauendum est ergo omni hora, fratres, sicut dicit in Psalmo Propheta, ne nos declinantes in malo, et inutiles factos, aliqua hora aspiciat DEVS*, et parcendo nobis in hoc tempore, quia pius est, et

THE HISTORY OF THE




By J. G. ...
London: ...
1848



O FELIX NECESSITAS!

XLVI.




expectat nos conuerti in melius, ne dicat nobis in futuro: Haec fecisti, et tacui. Secundus humilitatis gradus est, si propriam quis non amans voluntatem, desideria sua non delectetur implere: sed vocem illam Domini factis imitetur dicentis: Non veni facere voluntatem meam, sed ejus, qui misit me. Item dicit *Scriptura: Voluntas habet poenam, et necessitas parit coronam.* Tertius humilitatis gradus est, vt quis pro DEI amore omni obedientia se subdat Maiori; imitans Dominum, de quo dicit Apostolus: Factus est







A SUMMO CAELO EGRESSIO.

XLVII.




obediens vsque ad mortem. Quartus humilitatis gradus est, si in ipsa obedientia duris, et contrariis rebus, vel etiam quibuslibet irrogatis iniuriis, tacita conscientia patientiam amplectatur: et sustinens non lassescat, vel discedat, dicente Scriptura: Qui perseverauerit vsque in finem, hic saluus erit. Item: *confortetur cor tuum, et sustine Dominum*. Et ostendens fidelem pro Domino uniuersa etiam contraria sustinere debere, dicit ex persona etiam sufferentium: Propter te morte tota die afficimur: aestimati su-







DVRANDVM SVB DVRIS.

XLVIII.




mus vt oves occisionis. Et securi de spe retributionis diuinae, subsequuntur gaudentes, et dicentes: *Sed in his omnibus superamus propter eum, qui dilexit nos.* Et item alio loco Scriptura: *Probasti nos, inquit, DEVS: igne nos examinasti, sicut igne examinatur argentum:* Induxisti nos in laqueum: posuisti tribulationes in dorso nostro. Et vt ostendat sub Priore debere nos esse, subsequitur dicens: *Imposuisti homines super capita nostra. Sed et praeceptum Domini in aduersis, et in iniuriis per patientiam adim-*



INTIMA PANDIT.

XLIX.




plentes , qui percussi in maxillam , praebent et aliam : auferenti tunicam , dimitunt et pallium : angariati miliario , vadunt et duo : cum Paulo Apostolo falsos fratres sustinent , et persecutionem : et maledicentes se benedicunt. *Quintus humilitatis gradus est , si omnes cogitationes malas cordi suo aduenientes , vel mala a se absconse commissa , per humilem confessionem Abbati non celaue- rit suo. Hortatur nos de hac re Scriptura , dicens : Reuela Domino vi- am tuam , et spera in eum. Et item dicit : confitemini Domino ,*



SUFFICIUNT.

L.




quoniam bonus, quoniam in saeculum misericordia eius. Et item Propheta: Delictum meum cognitum tibi feci, et iniustitias meas non operui: Dixi pronunciabo aduersum me iniustitias meas Domino; et tu remisisti impietatem cordis mei. *Sextus humilitatis gradus est, si omni vilitate, vel extremitate contentus sit monachus: et ad omnia, quae sibi iniunguntur velut operarium malum, et indignum se iudicet, dicens sibi cum Propheta: Ad nihilum redactus sum, et nesciui: vt iumentum factus sum apud te, et ego*



QVAEVIS EODEM.

LI.




femper tecum. Septimus humilitatis gradus est, si omnibus se inferiorem, et viliorem non solum sua lingua pronunciet, sed etiam intimo cordis credat affectu, humilians se, et dicens cum Propheta: Ego autem sum vermis, et non homo: opprobrium hominum, et abiectio plebis: exaltatus sum, et humiliatus, et confusus. Et item: Bonum mihi, quod humiliasti me, vt discam mandata tua. *Octauus humilitatis gradus est, si nihil agat monachus, nisi quod communis monasterii regula, vel Maiorum cohortantur exempla.* Nonus humili-



DAT TANTVM QVAESITA SONVM.

I.II.




tatis gradus est, si linguam ad loquendum prohibeat monachus: et taciturnitatem habens, usque ad interrogationem non loquatur, monstrante Scriptura: quia in multiloquio non effugitur peccatum. Et quia vir linguosus non dirigitur super terram. Decimus humilitatis gradus est, si non sit facilis ac promptus in risu, quia scriptum est: Stultus in risu exaltat vocem suam. Undecimus humilitatis gradus est, si, cum loquitur monachus, leniter et sine risu, humiliter cum grauitate, vel pauca verba, et rationabilia lo-





ABYSSVS MVLT.A.

LIII.




quatur: et non fit clamofus in voce; ficut fcriptum eft: Sapiens verbis innotefcit paucis. Duodecimus humilitatis gradus eft, fi non folum corde *Monachus*, fed etiam ipfo corpore humilitatem videntibus fe femper indicet; id eft, in opere, in oratorio, in monafterio, in horto, in via, in agro: vel vbicunque fedens, ambulans, vel ftans, inclinato fit femper capite, defixis in terram aspectibus; *reum fe omni hora de peccatis fuis exiftimans*, iam *fe tremendo iudicio DEI repraefentari aestimet*; dicens fibi in corde



HABD PRIVS ABSQVE METV.

LIV.




femper illud, quod publicanus ille euangelicus, fixis in terram oculis, dixit: Domine non sum dignus, ego peccator, leuare oculos meos ad caelos. Et iterum cum Propheta: incuruatus, et humiliatus sum vsquequaque. Ergo his omnibus *humilitatis gradibus ascensis*, monachus mox ad caritatem *DEI* perueniet illam, quae perfecta foras mittit timorem: per quam vniuersa, quae prius non sine formidine obseruabat, absque vlllo labore velut naturaliter ex consuetudine incipiet custodire; non iam timore gehennae, sed



DEFAECATO AERE SVRGIT.

LV.




amore Christi, et consuetudine ipsa bona, et delectatione virtutum, quae Dominus iam in operarium suum mundum a vitiis, et peccatis, Spiritu sancto dignabitur demonstrare. CAPVT VIII. DE OFFICIIS DIVINIS IN NOCTIBVS. Hiemis tempore, id est, a Calendis NOVEMBRIS vsque ad Pascha, iuxta considerationem rationis octava hora noctis surgendum est; vt modice amplius de media nocte pausetur, et iam *digesti surgant*. Quod vero restat post vigiliis a fratribus, qui psalterii, vel lectionum aliquid indigent,



INTENDENDO, APERIENDO.

LVI.




meditationi inferuiatur. A Pascha autem vsque ad supradictas Calendas Nouembris, sic temperetur hora Vigiliarum agenda; paruiſſimo interuallo, quo fratres ad neceſſaria naturae exeant, cuſtodito, mox Matutini, qui incipiente luce agendi ſunt, ſubſequantur. CAPVT IX. QVANTI PSALMI DICENDI SINT NOCVTRNIS HORIS. Hiemis tempore, praemiſſo in primis verſu, *DEVS in adiutorium meum intende*, Domine ad adiuuandum me feſtina: in ſecundo ter dicendum eſt: *Domine labia mea aperies*, et os meum an-



SEDATIS ANIMIS.

LVII.



nunciabit laudem tuam. Cui subiungendus est tertius Psalmus, et Gloria. Post hunc Psalmus nonagesimus quartus, cum Antiphona, aut certe decantandus. Inde sequatur Ambrosianum: deinde sex Psalmi cum Antiphonis. Quibus dictis, dicto versu benedicat Abbas. Et *sedentibus omnibus* in scamnis, *legantur* vicissim a fratribus in codice super analogium tres *Lectiones*, inter quas et tria Responsorialia cantantur. Duo Responsorialia sine Gloria dicantur: post tertiam vero Lectionem, qui cantat, dicat Gloria. Quam dum incipit



EX VTROQVE SALVS.

LVIII.




cantor dicere, mox omnes de sedilibus suis surgant ob honorem, et reuerentiam sanctae Trinitatis. *Codices autem legantur in vigiliis tam veteris testamenti, quam noui diuinae auctoritatis: sed et expositiones earum, quae a nominatissimis Doctoribus orthodoxis, et catholicis Patribus factae sunt.* Post has vero tres Lectiones cum Responsoriiis suis, sequantur reliqui sex psalms cum Alleluia canendi. Post hos Lectio Apostoli sequatur ex corde recitanda, et Versus, et supplicatio Litaniae, id



NVNQVAM MINVS.

LIX.



est, Kyrie eleison : et sic finiantur Vigiliae nocturnae. CAPVT X.
QUALITER AESTATIS TEMPORE AGATUR NOCTVRNA LAVS. A
Pascha autem vsque ad Calendas Nouembris, *omnis (ut supra di-
ctum est) psalmodiae quantitas teneatur* : excepto quod Lectiones
in codice, propter breuitatem noctium, minime legantur : sed pro
ipsis tribus Lectionibus vna de veteri testamento memoriter di-
catur, quam breue Responsorium subsequatur : et reliqua omnia,
ut dictum est, impleantur ; id est, vt *nunquam minus* a duodecim



Faint text block located below the circular diagram, possibly containing a description or legend. The text is illegible due to fading.



SOMNOLENTOS INCREPAT.

LX.




Pſalmorum quantitate ad Vigiliis nocturnas dicatur: exceptis tertio, et nonagesimo quarto Pſalmo. CAPVT XI. QVALITER DOMINICIS DIEBVS VIGILIAE AGANTVR. *Dominico die temporius surgatur ad vigiliis.* In quibus Vigiliis teneatur mensura; id est modulatis, vt supra disposuimus, sex Pſalmis, et Versu, residentibus cunctis disposite, et per ordinem in subfelliis, legantur in codice, vt supra diximus, quatuor Lectiones cum Responsoriiis suis. Vbi tantum in quarto Responſorio dicatur a cantante Gloria: quam dum



INCESSABILI VOCE SSS.

LXI.



incipit, mox omnes cum reuerentia surgant. Post quas Lectiones sequantur ex ordine alii sex Psalmi cum Antiphonis, sicut anteriores, et Versus. Post quos iterum legantur aliae quatuor Lectiones cum Responsoriiis suis, ordine, quo supra. Post quas dicantur tria Cantica de Prophetis, quae instituerit Abbas: quae Cantica cum Alleluia psallantur. Dicto etiam Versu, et benedicente Abbate legantur aliae quatuor Lectiones de nouo testamento, ordine, quo supra. Post quartum autem Responsorium *incipiat Abbas Hymnum, Te DEVM*





CVM HONORE.

LXII.




laudamus. Quo perdicto *legat Abbas Lectionem de Euangelio cum honore, et tremore stantibus omnibus.* Qua perlecta respondeant omnes, Amen. Et subsequatur mox Abbas Hymnum, Te decet laus. Et data benedictione, incipiant Matutinos. Qui ordo Vigiliarum omni tempore tam aestatis, quam hiemis aequaliter in die Dominico teneatur: nisi forte (quod absit) tardius surgant, aliquid de Lectionibus breuiandum est, aut Responforiis: quod tamen omnino caueatur, ne proueniat. Quod si contigerit, digne inde satisfaciat



IN SANCTITATE, ET IVSTITIA.

LXIII.



DEO in Oratorio, per cuius euenerit neglectum. CAPVT XII. QVOMODO MATVTINORVM SOLEMNITAS AGATVR. In Matutinis Dominico die in primis dicatur sexagesimus sextus Pfalmus sine Antiphona indirectum. Post quem dicatur quinquagesimus cum Alleluia. Post quem dicatur centesimus septimus decimus, et sexagesimus secundus. Inde Benedictiones, et Laudes: Lectio vna de Apocalypsi ex corde, et Responsorium, et Ambrosianum: Versus, *Canticum de Euangelio*, Litaniam, et completum est. CAPVT XIII. PRI-





PVRGAT, ILLVMINAT, VNIT.

LXIV.



VATIS DIEBUS QUALITER MATVTINI AGANTVR. Diebus autem priuatis Matutinorum solemnitas ita agatur, id est, vt sexagesimus sextus Psalmus dicatur sine Antiphona, subtrahendo modice sicut Dominica: vt omnes occurrant ad quinquagesimum, qui cum Antiphona dicatur. Post quem alii duo Psalmi dicantur secundum consuetudinem; id est secunda feria, quintus, et tricesimus quintus: Tertia feria quadragesimus secundus, et quinquagesimus sextus: Quarta feria sexagesimus tertius, et sexagesimus quartus: Quinta feria octoge-



AD DIRIGENDOS PEDES IN VIAM PACIS.

LXV.




simus septimus et octogesimûs nonus: Sexta feria septuagesimus quintus, et nonagesimus primus. Sabbato autem centesimus quadragesimus secundus, et Canticum Deuteronomii, quod diuidatur in duas Glorias. Nam ceteris diebus Canticum vnumquodque die suo ex Prophetis, sicut psallit Ecclesia Romana, dicatur. Post hæc sequantur Laudes; deinde Lectio vna Apostoli memoriter recitanda, Responsorium, Ambrosianum, Versus, *Canticum de Euangelio*, Litaniam, et completum est. Plane agenda Matutina, vel Vespertina



DELENDO DELEBIS.

LXVI.



non transeat aliquando, nisi *in ultimo per ordinem Oratio Dominica* omnibus audientibus dicatur a Priore, propter scandalorum spinas, quae oriri solent, ut conuenti per ipsius orationis sponsonem, qua dicunt, *dimitte nobis, sicut et nos dimittimus; purgent se ab huiusmodi vitio.* Ceteris vero agendis vltima pars eius orationis dicatur: ut ab omnibus respondeatur, sed libera nos a malo. CAPVT XIV. IN NATALITIIS SANCTORVM QVALITER AGANTVR VIGILIAE. In Sanctorum vero festiuitatibus, vel omnibus solemnitatibus, sicut



CAUSA NOSTRAE LAETITIAE.

LXVII.




diximus Dominico die agendum, ita agatur; excepto quod Psalmi aut Antiphonae, vel Lectiones ad ipsum diem pertinentes, dicantur Modus autem supra scriptus teneatur. CAPVT XV. ALLELVIA QVIBVS TEMPORIBVS DICATVR. *A Sancto Pascha vsque ad Pentecosten sine intermissione dicatur Alleluia, tam in Psalmis, quam Responsoriiis. A Pentecoste autem vsque ad caput Quadragesimae omnibus noctibus cum sex posterioribus Psalmis tantum ad Nocturnas dicatur. Omni vero Dominica extra Quinquagesimam Cantica Ma-*



SERVITVTI SACRA.

LXVIII.




tutini, Prima, Tertia, Sexta, Nonaque, cum Alleluia dicantur: Vespera vero cum Antiphona: Responsorialia vero nunquam dicantur cum Alleluia, nisi a Pascha vsque ad Pentecosten. CAPVT XVI. QVALITER DIVINA OPERA PER DIEM AGANTVR. *Vt ait Propheta: Septies in die laudem dixi tibi. Qui septenarius sacratus numerus a nobis sic implebitur, si Matutini, Primae, Tertiae, Sextae, Nonae, Vesperae, Completoriiue tempore nostrae seruitutis officia persoluamus, quia de his horis diurnis dixit: Septies in die laudem dixi tibi.*




SPONSUS VENIT!

LXIX.




Nam de nocturnis Vigiliis idem ipse *Propheta ait* : *Media nocte surgebam ad confitendum tibi. Ergo* his temporibus referamus laudes Creatori nostro super iudicia iustitiae suae; id est, Matutinis, Prima, Tertia, Sexta, Nona, Vespera, Completorio, *et nocte surgamus ad confitendum ei.* CAPVT XVII. QVOT PSALMI PER EASDEM HORAS CANENDI SVNT. Iam de Nocturnis, vel Matutinis digessimus ordinem psalmodiae: nunc de sequentibus Horis videamus. Prima hora dicantur Psalmi tres, singillatim et non sub vna




FORTIORI FORTIORA.

LXX.




Gloria. Hymnus eiusdem Horae, post Versum DEVS in adiutorium meum intende ; antequam Psalmi incipiantur. Post expletionem vero trium Psalmorum, recitetur Lectio vna, Versus, et Kyrie eleison, et missae fint. Tertia vero, Sexta, et Nona, eodem ordine celebretur Oratio, id est Versus, Hymni earundem Horarum terni Psalmi, Lectio, et Versus, Kyrie eleison: et missae fint. *Si maior congregatio fuerit, cum Antiphonis: si vero minor, in directum psallantur.* Vespertina autem synaxis, quatuor Psalmis cum An-




EXALTAVIT HUMILES.

LXXI.



tiphonis terminetur, post quos Psalmos Lectio recitanda est; inde Responsorium, Ambrosianum, Versus, *Canticum de Evangelio*, Litania, et oratio Dominica, et fiant missae. Completorium autem trium Psalmorum dictione terminetur. Qui Psalmi directanei sine Antiphona dicendi sunt. Post quos Hymnus eiusdem Horae, Lectio vna, Versus, Kyrie eleison, benedictio, et post Missae fiant. CAPVT XVIII. QVO ORDINE IPSI PSALMI DICENDI SVNT. In primis semper diurnis horis dicatur Versus DEVS in adiutori-




BEATI, QVI AMBVLANT IN LEGE.

LXXII.



um meum intende , Domine ad adiuuandum me festina : et Gloria. Inde Hymnus vnius cuiusque Horae. Deinde *Prima hora Dominica dicenda quatuor capitula Psalms centesimi octauis decimi*. Reliquis vero horis , id est Tertia , Sexta , vel Nona , terna capitula suprascripti Psalms centesimi octauis decimi dicantur. Ad Primam autem secundae feriae dicantur tres Psalms , id est , primus , secundus , et sextus : et ita per singulos dies ad Primam , vsque ad Dominicam dicantur per ordinem terni Psalms , vsque ad




IN VIRTUTE TVA.

LXXIII.



nonum decimum Pfalmum. Ita sane, vt nonus Pfalmus, et septimus decimus diuidantur in binas Glorias. Et sic fiat, vt *ad vigilias Dominica semper a vicesimo incipiat*. Ad Tertiam vero, Sextam, et Nonam secundae feriae nouem capitula, quae residua sunt de centesimo decimo octauo Pfalmo, ipsa terna per easdem Horas dicantur. Expenso igitur Pfalmo centesimo octauo decimo duobus diebus; id est Dominico, et secunda feria: tertia feria iam ad Tertiam, Sextam, vel Nonam psallantur terni Psalmi a cente-




ASCENDENDO, DESCENDENDO.

LXXIV.



fimo nono decimo vsque ad centesimum vicesimum septimum; id est Psalmi nouem. Quique Psalmi semper vsque ad Dominicam per easdem horas itidem repetantur. Hymnorum nihilominus, Lectionum, vel Versuum dispositione vniformi, cunctis diebus seruata. Et ita scilicet, vt semper Dominica a centesimo octauo decimo incipiatur. *Vespera* autem *quotidie quatuor Psalmorum modulatione canatur*. Qui Psalmi incipiuntur a centesimo nono vsque ad centesimum quadagesimum septimum: exceptis his qui





DIVISVM GEMINAT.

LXXV.



in diuersis Horis ex eis sequestrantur; id est a centesimo septimo decimo vsque ad centesimum vicesimum septimum, et centesimo tricesimo tertio, et centesimo quadragesimo secundo. Reliqui omnes in Vespera dicendi sunt. Et *quia minus veniunt tres Psalmi: ideo diuidendi sunt, qui in numero superscripto fortiores inueniuntur*: id est centesimus tricesimus octauus, et centesimus quadragesimus tertius, et centesimus quadragesimus quartus. Centesimus vero sextus decimus, quia paruus est, cum centesimo quin-



REPETANTVR QVOTIDIE.

LXXVI.



to decimo coniungatur. Digesto ergo ordine Psalmorum Vespertinorum, reliqua, id est, Lectiones, Responsorialia, Hymni, Versus, vel Cantica, sicut supra taxauimus, impleantur. *Ad Completorium vero iidem Psalmi repetantur quotidie; id est quartus, nonagesimus, et centesimus trigesimus tertius.* Disposito ordine psalmodiae diurnae, reliqui omnes Psalmi, qui supersunt, aequaliter diuidantur in septem noctium Vigiliis, partiendo scilicet, qui inter eos prolixiores sunt Psalmi, et duodecim per vnam quamque con-



NVLLA DIES SINE LINEA.

LXXVII.




stituantur noctem. Hoc praecipue commonentes, vt si cui forte haec distributio Psalmorum displicuerit, ordinet, si melius aliter iudicauerit: dum *omnimodis id attendatur, vt omni hebdomada Psalterium ex integro, numero centum quinquaginta Psalmorum psallatur, et Dominico die semper a capite repetatur ad Vigiliis: quia nimis iners deuotionis suae seruitium ostendunt monachi, qui minus a Psalterio cum Canticis consuetudinariis per septimanae circulum psallunt*: cum legamus sanctos Patres nostros vno die hoc



SVPER BONOS, ET MALOS.

LXXVIII.



strenue impleuisse, quod nos tepidi vtinam septimana integra perfoluamus. CAPVT XIX. DE DISCIPLINA PSALLENDI. *Vbique credimus diuinam esse praesentiam, et oculos Domini in omni loco speculari bonos et malos: maxime tamen hoc sine aliqua dubitatione credamus, cum ad opus diuinum assistimus. Ideo semper memores simus, quod ait Propheta: Seruite Domino in timore. Et iterum, Psallite sapienter. Et in conspectu Angelorum psallam tibi. Ergo consideremus, qualiter oporteat nos in conspectu diuinitatis,*



VIS GEMINATA TRAHIT.

LXXIX.




et Angelorum eius esse: et sic stemus ad psallendum, ut mens nostra concordet voci nostrae. CAPVT XX. DE REVERENTIA ORATIONIS. Si cum hominibus potentibus volumus aliqua suggerere, non praesumimus nisi cum humilitate, et reuerentia: quanto magis Domino Deo vniuersorum cum omni humilitate, et puritatis deuotione supplicandum est? *Et non in multi loquio, sed in puritate cordis, et compunctione lacrymarum nos exaudiri sciamus.* Et ideo breuis debet esse, et pura oratio, nisi forte ex affectu inspirationis



SINE NAEVO.

LXXX.




diuinae gratiae protendatur. In Conuentu tamen omnino breuietur oratio; et facto signo a Priore, omnes pariter surgant. CAPVT XXI. DE DECANIS MONASTERII. Si maior fuerit Congregatio, *eligantur de ipsis fratres boni testimonii, et sanctae conuersationis, et constituentur Decani*: qui sollicitudinem gerant super Decanias suas in omnibus, secundum mandata DEI, et praecepta Abbatis sui. Qui Decani tales eligantur, *in quibus securus Abbas partiatur onera sua*. Et non eligantur per ordinem, sed secundum vitae




OBEST, NON PRODEST.

LXXXI.



meritum, et sapientiae doctrinam. *Quique Decani si ex eis aliqua forte quis inflatus superbiarepertus fuerit reprehensibilis, correptus semel, et iterum, et tertio, si emendare noluerit, deiciatur: et alter in loco eius, qui dignus est, subrogetur. Et de Praeposito eadem constituimus.* CAPVT XXII. QVOMODO DORMIANT MONACHI. Singuli per singula lecta dormiant. Lectisternia pro modo conuersationis secundum dispensationem Abbatis sui accipiant. Si potest fieri, omnes in vno loco dormiant: si autem multitudo non finit;



ET NOCTE TENVISSE IUVAT.

LXXXII.




deni, aut vicini cum Senioribus, qui super eos solliciti sint, paufent. Candela iugiter in eadem cella ardeat vsque mane. *Vestiti dormiant*, et cincti cingulis, aut funibus; et cultellos suos ad latus suum non habeant, cum dormiunt, ne forte per somnium vulnerentur dormientes: et *ut parati sint monachi semper; et facto signo absque mora surgentes festinent inuicem se praeuenire ad opus DEI*, cum omni tamen grauitate, et modestia. Adolescentiores fratres iuxta se non habeant lectos, sed permixti cum



ADMONENDVM, OBIURGANDVM.

LXXXIII.



Senioribus. Surgentes vero ad opus DEI, inuicem se moderate cohortentur propter somnolentorum excusationes. CAPVT XXIII. DE EXCOMMUNICATIONE CVLPARVM. *Siquis frater contumax, aut inobediens, aut superbus, aut murmurans, vel in aliquo contrarius existens sanctae regulae, et praeceptis Seniorum suorum contemptor repertus fuerit: hic secundum Domini praeceptum admoneatur semel, et secundo secrete a Senioribus suis. Si non emendauerit, obiurgetur publice coram omnibus. Si vero*



THE HISTORY OF THE
ROYAL SOCIETY OF LONDON
AND THE
ROYAL SOCIETY OF EDINBURGH
FROM THE YEAR 1660 TO 1700
BY
JAMES HUTTON
ESQ.
OF
EDINBURGH
IN TWO VOLUMES
VOL. I.

SVNT IVSTA SALVTI.

LXXXIV.




neque sic correxerit, si intelligit, qualis poena sit, excommunicationi subiaceat. Si autem improbus est, vindictae corporali subdatur. CAPVT XXIV. QVALIS DEBEAT ESSE MODVS EXCOMMUNICATIONIS. *Secundum modum culpae, excommunicationis vel disciplinae mensura debet extendi.* Qui culparum modus in Abbatis pendeat iudicio. Siquis tamen frater in leuioribus culpis inuenitur, a mensae participatione priuetur. Priuati autem a mensae confortio, ista erit ratio: vt in Oratorio Psalmum, aut Antipho-



CONGRVA, NON OMNIA.

LXXXV.



nam non imponat, neque Lectionem recitet vsque ad satisfactionem. Refectionem autem cibi post fratrum refectionem solus accipiat. Vt si verbi gratia fratres reficiunt sexta hora, ille frater nona; si fratres nona, ille vespera, vsque dum *satisfactione congrua veniam consequatur*. CAPVT XXV. DE GRAVIORIBVS CVLPIS. Is autem frater, qui grauioris culpae noxa tenetur, suspendatur a mensa simul, et ab Oratorio. Nullus ei fratrum in villo iungatur consortio neque in colloquio. Solus



SALVO SPIRITV.

LXXXVI.




fit ad opus sibi iniunctum, persistens in poenitentiae luctu, sciens illam terribilem Apostoli sententiam dicentis, *traditum* huiusmodi hominem *Satanae in interitum carnis, ut spiritus saluus sit in die Domini*. Cibi autem refectionem solus percipiat mensura, vel hora, qua praeuiderit Abbas ei competere. Nec a quoquam benedicatur transeunte, nec cibus, qui ei datur. CAPVT XXVI. DE IIS, QUI SINE IVSSIONE ABBATIS IVNGVNTVR EXCOMMVNICATIS. Siquis frater praesumpserit sine iussione Abbatis fratri excom-





MALE HABENTIBVS.

LXXXVII.



municato quolibet modo se iungere, aut loqui cum eo, vel mandatum ei dirigere; similem sortiatur excommunicationis vindictam. CAPVT XXVII. QUALITER DEBEAT ABBAS SOLICITVS ESSE CIRCA EXCOMMVNICATOS. *Omni sollicitudine curam gerat Abbas circa delinquentes fratres: quia non est opus sanis medicus, sed male habentibus.* Et ideo vti debet omni modo, vt sapiens medicus, immittere quasi occultos consolatores sympectas, id est, seniores sapientes fratres, qui quasi






CVRAM, NON TYRANNIDEM.

LXXXVIII.



secrete consolentur fratrem fluctuantem, et prouocent eum ad humilitatis satisfactionem. Et consolentur eum, ne abundantiori tristitia absorbeat: sed sicut ait idem Apostolus, confirmetur in eo caritas; et oretur pro eo ab omnibus. *Magnopere enim debet sollicitudinem gerere Abbas: et omni sagacitate, et industria curare, ne aliquam de ouibus sibi creditis perdat. Nouerit enim se infirmarum curam suscepisse animarum, non super sanas tyrannidem: et metuat Prophetæ comminatio-*



PIVM EXEMPLVM.

LXXXIX.



nem, per quem dicit DEVS: quod crassum videbatis, assumebatis: et quod debile erat, proiiciebatis. *Et Pastoris boni pium imitetur exemplum; qui relictis nonaginta nouem ouibus in montibus, abiit vnā ouem, quae errauerat, quaerere: cuius infirmitati in tantum compassus est; ut eam in sacris humeris suis dignaretur imponere, et sic reportare ad gregem.* CAPVT XXVIII. DE IIS, QVI SAEPIVS CORREPTI NON EMENDAVERINT. Siquis frater frequenter correptus pro qualibet culpa, si etiam excommunica-

MAIUS EST.

XC.



tus non emendauerit, acrior ei accedat correptio; id est, vt verberum vindicta in eum procedat. Quod si nec ita correxerit, aut forte (quod absit) in superbiam elatus etiam defendere voluerit opera sua, tunc *Abbas faciat, quod sapiens medicus. Si exhibuit fomenta, si unguenta adhortationum, si medicamina Scripturarum diuinarum, si ad ultimum vstionem excommunicationis, vel plagas virgarum, etiam si viderit nihil suam praeualere industriam; adhibeat etiam (quod maius est) suam, et omnium fratrum pro eo orationem:*



AVFERENDVM.

XCI.



vt Dominus, qui omnia potest, operetur salutem circa infirmum fratrem. Quod si nec isto modo sanatus fuerit: tunc iam utatur Abbas ferro abscissionis, vt ait Apostolus: *Auferte malum ex vobis.* Et iterum: Infidelis si discedit, discedat: ne vna ovis morbida omnem gregem contamineat. CAPVT XXIX. SI DEBEANT ITERVM RECIPI FRATRES EXEUNTES DE MONASTERIO. Frater, qui proprio vitio egreditur, aut proiicitur de monasterio; si reuerti voluerit, spondeat prius omnem emendationem vitii, pro quo egressus





IUVVENTVTI SVNT SALVTI.

XCII.




est: et sic in vltimo gradu recipiatur, vt ex hoc eius humilitas comprobetur. Quodsi denuo exierit, vsque tertio ita recipiatur. Iam postea sciat omnem sibi reuerfionis aditum denegari. CAPVT XXX. DE PVERIS MINORI AETATE, QVALITER CORRIPIANTVR, *Omnis aetas, vel intellectus proprias debet habere mensuras. Ideoque quoties pueri, vel adolescentiores aetate, aut qui minus intelligere possunt, quanta poena sit excommunicationis; hi tales dum delinquunt, aut ieiuniis nimis affligantur, aut acribus verberibus*




SE CVSTODIANT, QVI CVSTODIVNT.

XCIII.




coerceantur, vt fanentur. CAPVT XXXI. DE CELLERARIO MONASTERII, QVALIS SIT. *Cellerarius monasterii eligatur de Congregatione, sapiens, maturis moribus, sobrius, non multum edax, non elatus, non turbulentus, non iniuriosus, non tardus, non prodigus, sed timens DEVM, qui omni Congregationi sit sicut pater. Curam gerat de omnibus: sine iussione Abbatis nihil faciat. Quae iubentur, custodiat: fratres non contristet. Si quis frater ab eo forte aliqua irrationabiliter postulat, non spernendo eum contristet, sed*





QVANTA CVRA! QVANTA RATIO!

XCIV.



rationabiliter cum humilitate male petenti deneget. Animam suam custodiat, memor semper illud Apostolicum, quia, qui bene ministraverit, gradum bonum sibi acquirit. *Infirmorum, infantium, hospitum, pauperumque cum omni sollicitudine curam gerat, sciens sine dubio, quia pro his omnibus in die iudicii rationem redditurus est.* Omnia vasa monasterii, cunctamque substantiam, ac si altaris vasa sacrata conspiciat. Nihil ducat negligendum; neque avaritiae studeat, neque prodigus sit aut extirpator substantiae mo-





SI NON HABES, DA QVOD HABES.

CXV.



nasterii: sed omnia mensurate faciat, et secundum iussionem Abbatis. *Humilitatem ante omnia habeat: et cui substantia non est, quae tribuatur, sermo responsionis porrigatur bonus, ut scriptum est: Sermo bonus super datum optimum.* Omnia, quae ei iniunxerit Abbas, ipsa habeat sub cura sua: a quibus prohibuerit, non praesumat. Fratribus constitutam annonam sine aliquo typo, vel mora offerat, ut non scandalizentur, memor diuini eloquii, quid mereatur, qui scandalizauerit vnum de pusillis. Si Congregatio maior

Handwritten text at the top of the page, possibly a title or header.

Second line of handwritten text, likely a subtitle or introductory line.

Small handwritten mark or characters, possibly a date or reference.



Several lines of very faint handwritten text, likely the main body of the document or a list of items.

Small handwritten mark or characters at the bottom of the page, possibly a signature or page number.



OMNI NON CONVENIT OMNE.

XCVI.




fuerit, solatia ei dentur, a quibus adiutus, et ipse aequo animo impleat officium sibi commissum. *Horis competentibus dentur, quae danda sunt, et petantur, quae petenda sunt: ut nemo perturbetur, neque contristetur in domo DEI.* CAPVT XXXII. DE FERRAMENTIS, VEL REBUS MONASTERII. Substantiae monasterii in ferramentis vel vestimentis, seu quibuslibet rebus provideat Abbas fratres, de quorum vita, et moribus securus sit: et eis singula, ut utile iudicauerit, consignet custodienda, atque recolligenda. Ex quibus Abbas breuem te-



RELIQVIMVS OMNIA.

XCVII.



neat: vt dum sibi in ipsa assignata fratres vicissim succedunt; sciat, quid dat, aut quid recipit. Si quis autem sordide, aut negligenter res monasterii tractauerit, corripiatur: si non emendauerit, disciplinae regulari subiaceat. CAPVT XXXIII. SI QUID DEBEANT MONACHI PROPRIVM HABERE. *Praecipue hoc vitium peculiare radicitus amputandum est de monasterio, ne quis praesumat aliquid dare, aut accipere sine iussione Abbatis, neque aliquid habere proprium, nullam omnino rem: neque codicem, neque tabulas, neque graphium, sed nihil omnino:*



DELEANTVR DE LIBRO VIVENTIVM.

XCVIII.



quippe quibus nec corpora sua, nec voluntates licet habere in propria potestate. Omnia vero necessaria a Patre Monasterii sperare; nec quicquam liceat habere, quod Abbas non dederit, aut permiserit. *Omnia que omnibus sint communia, ut scriptum est: nec quisquam suum aliquid dicat, aut praesumat. Quod si quisquam huic nequissimo vitio deprehensus fuerit delectari, admonitus semel, et iterum: si non emendauerit, correctioni subiaceat.* CAPVT XXXIV. SI OMNES AEQUALITER DEBEANT NECESSARIA ACCIPERE. Sicut

PROVT OPVS.


XCIX.



scriptum est: Diuidebatur singulis, prout cuique opus erat: ubi non dicimus, ut personarum (quod absit) acceptio sit, sed infirmitatum consideratio. Vbi qui minus indiget, agat DEO gratias, et non contristetur: qui vero plus indiget, humilietur pro infirmitate, et non extollatur pro misericordia: et ita omnia membra erunt in pace. Ante omnia, ne murmurationis malum pro qualicumque causa in aliquo qualicumque verbo, vel significatione appareat. Quodsi deprehensus fuerit, districtiori disciplinae subdatur.

ALIVS PER ALIVM.

C.



CAPVT XXXV. DE SEPTIMANARIIS COQVINAE. *Fratres sibi inuicem seruiant, vt nullus excusetur a coquinae officio: nisi aut aegritudine, aut in causa grauis vtilitatis quis occupatus fuerit: quia exinde maior merces, et caritas acquiritur. Imbecilibus autem procurentur solatia, vt non cum tristitia hoc faciant; sed habeant omnes solatia secundum modum Congregationis, aut positionem loci. Si maior Congregatio fuerit, Cellerarius excusetur a coquina, vel siqui, vt diximus, maioribus vtilitatibus occupantur.*



MVNDA PLACENT.

CI.



Ceteri sibi sub caritate inuicem seruiant. *Egressurus de septimana, sabbato munditias faciat. Lintea, cum quibus sibi fratres manus, aut pedes tergunt, lauet. Pedes vero tam ipse, qui egreditur, quam ille, qui intraturus est, omnibus lauent. Vasa ministerii sui munda, et sana Cellerario reconfignet. Qui Cellerarius item intranti confignet: vt sciat, quid dat, aut quid recipit. Septimanarii autem ante vnam horam refectionis, accipiant super statutam annonam singulos biberes, et panem: vt hora refectionis sine mur-*





FINIS VT INITIVM.

CII.



muratione, et graui labore feruiant fratribus suis. In diebus autem solemnibus vsque ad Missas sustineant. *Intrantes autem, et exeuntes hebdomadarii in Oratorio mox Matutinis fnitis Dominica, omnium genibus prouoluantur, postulantes pro se orari.* Egrediens autem de septimana dicat hunc versum: Benedictus es Domine DEVS, qui adiuuisti me, et consolatus es me. Quo dicto tertio accipiat benedictionem egrediens. Subsequatur ingrediens, et dicat: DEVS in adiutorium meum intende, Domine




IDEM IN ALIIS.

CIII.



ad adiuuandum me festina. Et hoc idem tertio repetatur ab omnibus. Et accepta benedictione, ingrediatur. CAPVT XXXVI. DE INFIRMIS FRATRIBVS. *Infirmorum cura ante omnia, et super omnia adhibenda est, vt sicut reuera Christo, ita eis seruiatur; quia ipse dixit: infirmus fui, et visitastis me. Et, Quod fecistis vni de his minimis meis, mihi fecistis.* Sed et ipsi infirmi considerent, in honorem DEI sibi seruire: et non superfluitate sua contristent fratres suos seruientes sibi; qui tamen patienter portandi sunt: quia



REMISSIO REPARATIO.

CIV.




de talibus copiosior merces acquiritur. Ergo cura maxima fit Abbati, ne aliquam negligentiam patiantur. Quibus fratribus infirmis sit cella super se deputata, et seruator timens DEVM, et diligens, ac sollicitus. Balnearum vsus infirmis, quoties expedit, offeratur; sanis autem, et maxime iuuenibus, tardius concedatur. Sed et *carnium esus infirmis, omninoque debilibus pro reparatione concedatur. At ubi meliorati fuerint, a carnibus more solito omnes abstineant.* Curam autem maximam habeat Abbas, ne

AD MODVLVM.

CV.



a Cellerariis, aut seruatoribus negligantur infirmi: quia ad ipsum respicit, quicquid a discipulis delinquitur. CAPVT XXXVII. DE SENIBVS, VEL INFANTIBVS. *Licet ipsa natura humana trahatur ad misericordiam in his aetatibus, senum videlicet, et infantum; tamen et regulae auctoritas eis prospiciat. Consideretur semper in eis imbecillitas, et nullatenus eis districtio regulae teneatur in alimentis: sed sit in eis pia consideratio, et praeueniant horas canonicas.* CAPVT XXXVIII. DE HEBDOMADARIO LECTORE.




PASCITVR VTROQVE.

CVI.




Mensis fratrum edentium lectio deesse non debet: nec fortuito casu, qui arripuerit codicem, legere audeat ibi; sed lecturus tota hebdomada, Dominica ingrediatur. Qui ingrediens post Missas, et Communionem petat ab omnibus pro se orari, ut auertat ab ipso DEVS spiritum elationis. Et dicatur hic versus in Oratorio tertio ab omnibus, ipso tamen incipiente: Domine labia mea aperies, et os meum annunciabit laudem tuam. Et sic accepta benedictione ingrediatur ad legendum. Summumque fiat si-




SAEPIVS APTANDVM.


CVII.



lentium ad mensam, ut nullius mussitatio, vel vox, nisi solius legentis ibi audiatur. Quae vero necessaria sunt comedentibus, et bibentibus, sic sibi vicissim ministrent fratres, ut nullus indigeat petere aliquid. Si quid tamen opus fuerit, fonitu cuiuscunque signi potius petatur, quam voce. *Nec praesumat ibi aliquis de ipsa lectione, aut aliunde quicquam requirere, ne detur occasio:* nisi forte Prior voluerit pro aedificatione aliquid breuiter dicere. Frater auem hebdomadarius accipiat mixtum, priusquam inci-


Faint header text at the top of the page, possibly a title or page number.





QVANTVS APPARATVS!

CVIII.



piat legere propter Communionem sanctam, et ne forte graue sit ei ieiunium sustinere. Postea autem cum coquinae hebdomadariis, et seruatoribus reficiat. Fratres autem non per ordinem legant, aut cantent, sed qui aedificent audientes. CAPVT XXXIX. DE MENSURA CIBORVM. *Sufficere credimus ad refectionem quotidianam tam Sextae, quam Nonae, omnibus mensis cocta duo pulmentaria propter diuersorum infirmitates: ut forte, qui ex vno non potuerit edere, ex alio reficiatur. Ergo duo pulmentaria cocta*



PARI PASSV.

CIX.




fratribus omnibus sufficiant: et si fuerint unde poma, aut nascentia leguminum, addatur et tertium. Panis libra vna propensa sufficiat in die, siue vna sit refectio, siue prandii, et coenae. Quod si coenaturi sunt, de eadem libra tertia pars a Cellerario reseruetur reddenda coenaturis. Quod *si labor forte factus fuerit maior, in arbitrio, et potestate Abbatis erit, si expediat, aliquid augere, remota prae omnibus crapula, et vt nunquam subripiat monacho indigeries*: quia nihil sic contrarium est omni Christiano, quomodo

FIG. 1.

FIG. 2.




FIG. 3. FIG. 4. FIG. 5.



BONA FERCVLA SANIS.

CX.



crapula, sicut ait Dominus noster: videte, ne grauentur corda vestra in crapula. Pueris vero minori aetate, non eadem seruetur quantitas, sed minor, quam maioribus, seruata in omnibus parcitate. *Carnium vero quadrupedum omnino ab omnibus abstineatur comestio, praeter omnino debiles, et aegrotos.* CAPVT XL. DE MENSURA POTVS. Vnusquisque proprium habet donum ex DEO: alius sic, alius vero sic. Et ideo cum aliqua scrupulositate a nobis mensura victus aliorum constituitur. Tamen infirmorum con-




Faint, illegible text or markings, possibly bleed-through from the reverse side of the page.




NEMO PERSVADENDVS ?

CXI.



tuentes imbecillitatem, *credimus heminam vini per singulos sufficere per diem. Quibus autem donat DEVS tolerantiam abstinentiae, propriam se habituros mercedem sciant. Quod si, aut loci necessitas, vel labor, aut ardor aestatis amplius poposcerit, in arbitrio Prioris consistat, considerans in omnibus, ne subrepat satietas, aut ebrietas: licet legamus, vinum omnino monachorum non esse: sed quia nostris temporibus id monachis persuaderi non potest, saltem vel hoc consentiamus, ut non usque ad satietatem bibamus, sed parcius:*



BONA MIXTA MALIS.

CXII.



quia *vinum apostatare facit etiam sapientes*. Vbi autem loci necessitas exposcit, vt nec suprascripta mensura inueniri possit, sed multo minus, aut ex toto nihil, benedicant DEVM, qui ibi habitant, et non murmurent. Hoc ante omnia admonentes, vt absque murmurationibus sint. CAPVT XLI. QVIEVS HORIS OPORTEAT REFICERE FRATRES. A sancto Pascha vsque ad Pentecosten, ad Sextam reficiant fratres, et ad seram coenent. A Pentecoste autem tota aestate (si labores agrorum non habent monachi, aut

1875-1876




The following table shows the results of the observations made during the year 1875-1876. The observations were made at the observatory of the University of Cambridge, and the results are given in the following table. The observations were made during the months of January, February, March, April, May, June, July, August, September, October, and November. The results are given in the following table.



TEMPERAT TEMPORA.

CXIII.




nimietas aestatis non perturbat) quarta, et sexta feria ieiument usque ad Nonam: reliquis vero diebus ad Sextam prandeant. Quae prandii Sexta, si opera in agris habuerint, aut aestatis feruor nimius fuerit, continuanda erit: et in Abbatis sit prouidentia. Et sic omnia temperet, atque disponat, qualiter et animae saluentur, et quod faciunt fratres, absque iusta murmuratione faciant. Ab Idibus autem Septembris usque ad caput Quadragesimae, ad Nonam semper reficiant. In Quadragesima vero usque ad Pascha, ad Vesperam reficiant.





OMNIA TVTA MANENT.

CXIV.



Ipsa tamen Vespera sic agatur, vt lumine lucernae non indigeant re-
ficientes: sed luce adhuc diei omnia consummentur. Sed et omni tem-
pore, siue coenae, siue refectionis hora sic temperetur, vt cum lu-
ce fiant omnia. CAPVT XLII. VT POST COMPLETORIVM NEMO
LOQVATVR. *Omni tempore silentio debent studere monachi, maxi-
me tamen nocturnis horis.* Et ideo omni tempore, siue ieiunii, siue
prandii, si tempus fuerit prandii, mox vt surrexerint a coena, se-
deant omnes in vnum, et legat vnus Collationes, vel Vitas Pa-



QUANTVM PERMITTIT.

CXV.



trum, aut certe aliquid, quod aedificet audientes; non autem Eptaticum, aut Regum: quia infirmis intellectibus non erit vtile illa hora hanc Scripturam audire: aliis vero horis legantur. Si autem ieiunii dies fuerint, dicta Vespera paruo interuallo mox *accedant ad lectionem Collationum, vt diximus; et lectis quatuor, aut quinque foliis, vel quantum hora permittit, omnibus in vnum occurrentibus per hanc moram lectionis. Si quis forte in assignato sibi commisso fuerit occupatus, occurrat.* Omnes ergo in vnum positi



SINT VLTIMA LINGVAE.

CXVI.



compleant: et exeuntes a Completoriis nulla sit licentia denuo cuiquam loqui aliquid. Quodsi inuentus fuerit quisquam praeuaricari hanc taciturnitatis regulam, grauiori vindictae subiaceat: excepto si necessitas hospitem superuenerit, aut forte Abbas aliquid iusserit. Quod tamen et ipsum cum summa grauitate, et moderatione honestissime fiat. CAPVT XLIII. DE IIS, QVI AD OPVS DEI, VEL AD MENSAM TARDE OCCVRRVNT. Ad horam diuini officii mox vt auditum fuerit signum, relictis omnibus, quae-




PARS OPTIMA MENTIS.

CXVII.




libet fuerint in manibus, summa cum festinatione curratur; cum grauitate tamen, vt non scurrilitas inueniat fomitem. *Ergo nihil operi DEI praeponatur.* Quod si quis ad Nocturnas Vigilias post Gloriam Psalmi nonagesimi quarti (quem propter hoc omnino subtrahendo, et morose volumus dici) occurrerit: non stet in ordine suo in choro, sed vltimus omnium stet, aut in loco, quem talibus negligentibus seorsum constituerit Abbas, vt videatur ab ipso, vel ab omnibus, vsque dum completo Opere DEI publica satisfactio




ARCET AB INIVSTIS.

CXVIII.




ctione poeniteat. *Ideo autem eos in ultimo, aut seorsum iudicauimus debere stare ; ut visi ab omnibus vel pro ipsa verecundia sua emendentur.* Nam si foris Oratorio remaneant , erit forte talis, qui se aut recollocet, et dormiat, aut certe sedeat sibi foris, vel fabulis vacet, et detur occasio maligno: sed ingrediatur intus, ut nec totum perdat, et de reliquo emendetur. Diurnis autem horis, qui ad opus DEI post Versum, et Gloriam primi Psalmi, qui post Versum dicitur, non occurrerit, lege, qua supra diximus, in ultimo stet: nec



SERO VENIENTIBVS.

CXIX.



praesumat sociari choro psallentium vsque ad satisfactionem: nisi forte Abbas licentiam dederit permissione sua: ita tamen, vt satisficiat reus ex hoc. *Ad mensam autem qui ante Versum non occurrerit, et simul omnes dicant Versum, et orent, et sub vno omnes accedant ad mensam; qui per negligentiam suam, aut vitium non occurrerit, vsque ad secundam vicem pro hoc corripiatur; si demuo non emendauerit, non permittatur ad mensae communis participationem, sed sequestratus a consortio omnium reficiat solus, sublata ei portione sua vini,*




TEMPORE STATVTO.

CXX.




vsque ad satisfactionem , et emendationem. Similiter autem patiatur , qui ad illum Versum non fuerit praesens , qui post cibum dicitur. *Nec quisquam praesumat ante statutam horam , vel postea quicquam cibi , vel potus praesumere.* Sed et si cui offertur aliquid a Priore , et accipere renuerit : hora , qua desiderauerit hoc , quod prius recusauit , aut aliud omnino nihil percipiat vsque ad emendationem congruam. CAPVT XLIV. DE IIS , QVI EXCOMMVNICANTVR , QVOMODO SATISFACIANT. Qui pro grauioribus culpis



CONTRITVM PLACAT.

CXXI.




ab Oratorio, et a mensa excommunicatur, hora, qua Opus DEI in Oratorio celebratur, ante fores Oratorii prostratus iaceat nihil dicens, nisi tantum posito in terra capite, stratus pronus omnium de Oratorio exeuntium pedibus. Et hoc tamdiu faciat, usque dum Abbas iudicauerit satisfactum esse. Qui dum iussus ab Abbate venerit, voluat se Abbatis, deinde omnium vestigiis, vt orent pro eo. Et tunc si iusserit Abbas, recipiatur in choro, vel in ordine, quo Abbas decreuerit: ita sane vt Psalmum, aut Le-



PREMIT, NON OPPRIMIT.

CXXII.




ctionem, vel aliud quid non praesumat in Oratorio imponere, nisi iterum Abbas iubeat. Et omnibus horis dum completur Opus DEI, proiciat se in terra in loco, in quo stat; et sic satisfaciat usque dum ei iubeat Abbas, ut quiescat iam ab hac satisfactione. *Qui vero pro leuibus culpis excommunicantur tantum a mensa, in Oratorio satisfaciant: usque ad iussionem Abbatis hoc persiciant, usque dum benedicat, et dicat, sufficit.* CAPVT XLV. DE HIS, QUI FALLUNTUR IN ORATORIO. Siquis, dum pronunciat



SPONTE, AVT INVITE.

CXXIII.




Pſalmum, Reſponſorium, aut Antiphonam, vel Lectionem, fal-
litur : niſi ſatisfactione ibi coram omnibus humiliatus fuerit, *ma-*
iori vindictae ſubiaceat ; quippe qui noluit humilitate corrigere,
quod negligentia deliquit : infantes vero pro tali culpa vapulent.
CAPVT XLVI. DE IIS, QVI IN ALIIS QVIBVSLIBET REBVS DE-
LINQVUNT. Siquis, dum in iabore quouis, in coquina, in cella-
rio, in miniſterio, in piſtrino, in horto, in arte aliqua dum laborat,
vel in quocunqve loco aliquid deliquerit, aut fregerit quippiam,




CVRANDA, NON PVBLICANDA.

CXXIV.



aut perdiderit, vel aliud quid excefferit vbi vbi: et non veniens continuo ante Abbatem, vel congregationem ipse vltro satisfecerit, et prodiderit delictum suum: dum per alium cognitum fuerit, maiori subiaceat emendationi. *Si animae vero peccati causa latens fuerit; tantum Abbati, aut spiritualibus Senioribus patefaciat, qui sciant curare sua et aliena vulnera, non detegere, et publicare.* CAPVT XLVII. DE SIGNIFICANDA HORA OPERIS DEI. Nuncianda hora Operis DEI, die noctuque sit cura Abbati, aut ipse nunciare: aut





AUDIENTES AEDIFICET.

CXXV.




tali sollicito Fratri iniungat hanc curam, vt omnia horis competen-
tibus compleantur. Psalmos autem, vel Antiphonas post Abbatem
ordine suo, quibus iussum fuerit, imponant. *Cantare autem, aut le-
gere non praesumat, nisi qui potest ipsum officium implere, vt aedificen-
tur audientes. Quod cum humilitate, et grauitate, et tremore fiat,
et cui iusserit Abbas.* CAPVT XLVIII. DE OPERE MANVVM QVO-
TIDIANO. Otiositas inimica est animae. Et ideo certis temporibus
occupari debent fratres in labore manuum; certis iterum horis in



OMNIA TEMPVS HABENT.

CXXVI.



lectione diuina. Ideoque hac dispositione credimus utraque tempora ordinari; id est, ut a Pascha vsque ad Calendas Octobris mane exeuntes a prima vsque ad horam pene quartam laborent, quod necessarium fuerit. Ab hora autem quarta vsque ad horam quasi sextam lectioni vacent. Post Sextam autem surgentes a mensa, pausent in lectis suis cum omni silentio: aut forte qui voluerit legere, sibi sic legat, ut alium non inquietet. Et agatur Nona temperius mediante octaua hora: et iterum, quod faciendum est, operentur vsque ad Vesper-



IN SVDORE VVLTVS.

CXXVII.



ram. Si autem necessitas loci, aut paupertas exegerit, ut ad fruges colligendas per se occupentur, non contristentur; quia tunc vere monachi sunt, si labore manuum suarum viuunt, sicut et Patres nostri, et Apostoli. Omnia tamen mensurate fiant propter pusillanimes. A Calendis autem Octobris vsque ad caput Quadragesimae vsque in horam secundam plenam lectioni vacent: hora secunda agatur Tertia: et vsque Nonam omnes in opus suum laborent, quod eis iniungitur. Facto autem primo signo horae Nonae, disiungant se ab




FACTA IUVABUNT.

CXXVIII.



opere suo finguli; et sint parati, dum secundum signum pulsauerit. Post refectionem autem vacent lectionibus suis, aut Psalmis. In Quadragesimae vero diebus à mane vsque ad tertiam plenam vacent lectionibus suis, et vsque ad decimam horam plenam operentur, quod eis iniungitur. In quibus *diebus Quadragesimae accipiant omnes singulos Codices de bibliotheca, quos per ordinem ex integro legant. Qui codices in Caput Quadragesimae dandi sunt.* Ante omnia sane deputentur vnus, aut duo seniores, qui circum-



QVAE CONVENTIO?

CXXIX.




eant monasterium horis, quibus vacant fratres lectioni: et videant, *ne forte inueniatur frater acediosus, qui vacet otio, aut fabuli, et non est intentus lectioni: et non solum sibi inutilis est, sed etiam alios extollit.* Hic talis si (quod absit) repertus fuerit, corripiatur semel, et secundo: si non emendauerit, correptioni regulari subiaceat taliter, vt ceteri timeant. *Neque frater ad fratrem iungatur horis incompetentibus.* Dominico item die lectioni vacent omnes: exceptis his, qui variis officiis deputati sunt. Si quis ve-



DONEC VIXERO.

CXXX.




ro ita negligens, et desidiosus fuerit, vt non velit, aut non possit meditari, aut legere; iniungatur ei opus, quod faciat, et non vacet. Fratibus infirmis, vel delicatis talis opera, aut ars iniungatur, vt nec otiosi sint, nec violentia laboris opprimantur, vt effugentur. Quorum imbecillitas ab Abbate consideranda est. CAPVT XLIX. DE QVADRAGESIMAE OBSERVATIONE. *Licet omni tempore vita monachi Quadragesimae debeat obseruationem habere: tamen quia paucorum est ista virtus, ideo suademus istis diebus Quadragesimae*



AD SOLITVM PENSVM.

CXXXI.




omni puritate vitam suam custodire, omnes pariter negligentias aliorum temporum his diebus sanctis diluere. Quod tunc digne fit, si ab omnibus vitiis temperemus: orationi cum fletibus, lectioni, et compunctioni cordis, atque abstinentiae operam demus. *Ergo his diebus augeamus nobis aliquid ad solitum pensum servitutis nostrae, orationes peculiare, ciborum et potus abstinentiam; ut unusquisque super mensuram sibi indictam aliquid propria voluntate cum gaudio sancti Spiritus offerat DEO: id est subtrahat*



SVBIECTA VALEBVNT.


CXXXII.



corpori suo, de cibo, de potu, de fomno, de loquacitate, de scurrilitate, et cum spiritualis desiderii gaudio sanctum Pascha expectet. *Hoc ipsum tamen, quod unusquisque offert, Abbati suo suggerat, et cum eius fiat oratione, et voluntate: quia quod sine permissione Patris spiritualis fit, praesumptioni deputabitur, et vanae gloriae, non mercedi. Ergo cum voluntate Abbatis omnia agenda sunt.*

CAPVT L. DE FRATRIEVS, QVI LONGE AB ORATORIO LABO-
RANT, AVT IN VIA SVNT. Fratres qui omnino longe sunt in la-






RESPONDEANT.

CXXXIII.



bore, et non possunt occurrere hora competenti ad Oratorium, et Abbas hoc perpendit, quia ita est, *agant ibidem Opus DEI, ubi operantur, cum tremore diuino flectentes genua.* Similiter *qui in itinere directi sunt, non eos praetereant horae constitutae: sed ut possunt, agant ibi, et seruitutis pensum non negligent reddere.* CAPVT LI. DE FRATRIBVS, QVI NON SATIS LONGE PROFICISCVNTVR. Frater, qui pro quouis responso dirigitur, et ea die sperat reuerti ad monasterium: non praesumat foris manducare, etiamsi a quouis rogetur:




HINC AVFERENDA!

CXXXIV.




nisi forte ei ab Abbate suo praecipiat. Quod si aliter fecerit, excommunicetur. CAPVT LII. DE ORATORIO MONASTERII. *Oratorium hoc sit, quod dicitur: nec ibi quicquam aliud geratur, aut condatur.* Expleto opere DEI, omnes cum summo silentio exeant, et agatur reuerentia DEO: vt frater, qui forte sibi peculiariter vult orare, non impediatur alterius improbitate. Sed si alter vult sibi forte secretius orare; simpliciter intret, et oret; non in clamosa voce, sed in lacrimis, et intentione cordis. Ergo qui simile opus non facit,



VENERANDI.

CXXXV.




non permittatur expleto opere DEI remorari in Oratorio, sicut dictum est, ne alius impedimentum patiat. CAPVT LIII. DE HOSPITIBVS SVSCIPIENDIS. *Omnes superuenientes hospites tanquam Christus suscipiantur: quia ipse dicturus est: hospes fui, et suscepistis me. Et omnibus congruus honor exhibeatur, maxime domesticis fidei, et peregrinis. Ut ergo nunciatus fuerit hospes, occurratur ei a Priore, vel a fratribus cum omni officio caritatis; et primitus orent pariter: et sic sibi socientur in pace. Quod pacis osculum non prius offe-*



BENE CONVENIUNT.

CXXXVI.



ratur, nisi oratione praemissa, propter illusiones diabolicas. In ipsa autem salutatione omnis exhibeatur humilitas. Omnibus venientibus, siue discedentibus hospitem inclinato capite, vel prostrato omni corpore in terra, Christus in eis adoretur, qui et suscipitur. *Suscepti autem hospites ducantur ad Orationem:* et postea sedeat cum eis Prior, aut cui iusserit ipse. *Legatur coram hospite lex diuina, ut aedificetur:* et post haec omnis exhibeatur humanitas. Ieiunium a Priore frangatur propter hospitem: nisi forte praecipuus sit dies ieiunii,



NE DESPEXERIS.

CXXXVII.




qui non possit violari. Fratres autem consuetudines ieiuniorum prosequantur. Aquam in manibus Abbas hospitibus det: pedes hospitibus omnibus tam Abbas, quam cuncta congregatio lauet. Quibus lotis hunc versum dicant: suscepimus DEVS misericordiam tuam in medio templi tui. *Pauperum, et peregrinorum maxime susceptioni cura sollicite exhibeatur: quia in ipsis magis Christus suscipitur. Nam diuitum terror ipse sibi exigit honorem. Coquina Abbatis, et hospitem super se fit, vt incertis horis superueni-*







INDIGET.

CXXXVIII.




entes hospites, qui nunquam desunt monasterio, non inquietent fratres. In quam coquinam ad annum ingrediantur duo fratres, qui ipsum officium bene impleant; quibus, ut indigent, solatia administrentur, ut absque murmuratione seruiant; et iterum quando occupationem minorem habent, exeant, ubi eis imperatur, in opera. Et non solum in ipsis, sed et *in omnibus officiis monasterii ista sit consideratio: ut quando indigent, solatia accommodentur eis: et iterum, quando vacant, obediant impe-*





SALVTATIS, PERTRANSI.

CXXXIX.




ratis. Item et cellam hospitem habeat assignatam frater, cuius animam timor DEI possidet: ubi sint lecti strati sufficienter, et domus DEI a sapientibus sapienter administratur. *Hospitibus autem, cui non praecipitur, nullatenus societur neque colloquatur: sed si obuiauerit, aut viderit, salutatis humiliter, ut dictum est, et petita benedictione pertransseat; dicens non licere sibi colloqui cum hospite.* CAPVT LIV. SI DEBEAT MONACHVS LITTERAS, VEL ALIQUID SVSCIPERE. Nullatenus liceat monacho nec a




QVI IVS HABET.

CXL.



parentibus suis, nec a quoquam hominum, nec sibi inuicem litteras, aut eulogias, vel quaelibet munuscula accipere, aut dare sine praecepto Abbatis. Quod si etiam a parentibus suis ei quicquam directum fuerit, non praesumat suscipere illud, nisi prius indicatum fuerit Abbati. Quod si iusserit suscipi, in Abbatis sit potestate, cui illud iubeat dari: et non contristetur frater, cui forte directum fuerat; ut non detur occasio diabolo. Qui autem aliter praesumpserit, disciplinae regulari subiaceat. CAPVT LV. DE



TEMPORIBVS SVNT APTA SVIS.

CXLI.




VESTIARIO, ET CALCEARIO FRATRVM. *Vestimenta fratribus secundum locorum qualitatem, ubi habitant, vel aërum temperiem, dentur: quia in frigidis regionibus amplius indigetur, in calidis vero minus.* Haec ergo consideratio penes Abbatem est. Nos tamen mediocribus locis sufficere credimus monachis, per singulos cucullam, et tunicam: cucullam in hieme villosam, in aestate puram, aut vetustam; et scapulare propter opera: indumenta pedum, pedules, et caligas. De quarum rerum omnium colore, aut





RECREAT PAUPERES.

CXLII.



grossitudine non caesentur monachi: sed quales inueniri possunt in prouincia, qua degunt; aut quod vilius comparari possit. Abbas autem de mensura prouideat, vt non sint curta ipsa vestimenta vtentibus ea, sed mensurata. *Accipientes noua, vetera semper reddant in praesenti reponenda in vestiario propter pauperes.* Sufficit enim monacho duas tunicas, et duas cucullas habere propter noctes, et propter lauare ipsas res: iam quod supra fuerit, superfluum est, amputari debet. Et pedules, et quodcunque est vetus





PLANIOREM DISCRETIO SVADET.

CXLIII.




reddant, dum accipiunt nouum. Femoralia hi, qui *in via* diriguntur, de vestiario accipiant: quae reuertentes lota ibi restituant. *Et cucullae et tunicae sint aliquanto a solito, quas habent, modice meliores: quas exeuntes in via accipiant de vestiario, et reuertentes restituant.* Stramenta autem lectorum sufficiant inatta, fagum, lena, et capitale. Quae tamen lecta frequenter ab Abbate scrutanda sunt propter opus peculiare, ne inueniatur. Et si cui inuentum fuerit, quod ab Abbate non accepit, grauissi-




A D V S Q V E.

CXLIV.




mae disciplinae subiaceat. Et *ut hoc vitium peculiare radicitus amputetur, dentur ab Abbate omnia, quae sunt necessaria: id est, cuculla, tunica, pedules, caligae, brace, cultellus, graphium, acus, mappula, tabulae, ut omnis auferatur necessitatis excusatio.* A quo tamen Abbate semper consideretur illa sententia Actuum Apostolorum: quia dabatur singulis, prout cuique opus erat. Ita ergo et Abbas consideret infirmitates indigentium, non malam voluntatem invidentium. In omnibus autem iudiciis suis



SEMPER APERTA.

CXLV.



DEI retributionem cogitet. CAPVT LVI. DE MENSA ABBATIS. *Mensa Abbatis cum hospitibus et peregrinis sit semper.* Quoties tamen minus sunt hospites, quos vult de fratribus vocare, in ipsius sit potestate. Seniores tamen vnum, aut duos semper cum fratribus dimittendum procuret propter disciplinam. CAPVT LVII. DE ARTIFICIBVS MONASTERII. Artifices, si sunt in Monasterio, cum omni humilitate faciant ipsas artes: si permiserit Abbas: quodsi aliquis ex eis extollitur pro scien-





SUMMA SUMMARVM.

CXLVI.



tia artis suae, eo quod videatur aliquid conferre monasterio; hic talis evellatur ab ipsa arte, et denuo per eam non transeat, nisi forte humiliato ei iterum Abbas iubeat. Si quid vero ex operibus artificum venundandum est, videant ipsi, per quorum manus transigenda sunt: ne aliquam fraudem monasterio facere praesumant. Memorentur semper Ananiae, et Saphirae, ne forte mortem, quam illi in corpore pertulerunt, hanc isti, vel omnes, qui aliquam fraudem de rebus monasterii fecerint, in



NOSCITVR EX PVLSV.


CXLVII.



anima patiantur. In ipsis autem pretiis non subripiat auaritiaie malum: sed semper aliquantulum vilius detur, quam ab aliis saecularibus datur; vt in omnibus glorificetur DEVS. CAPVT LVIII. DE DISCIPLINE SVSCIPIENDORVM FRATRVM. *Nouiter veniens quis ad conuersionem, non ei facilis tribuatur ingressus: sed sicut ait Apostolus: Probate spiritus, si ex DEO sunt. Ergo si veniens perseuerauerit pulsans, et illatas sibi iniurias, et difficultatem ingressus post quatuor, aut quinque dies visus fuerit patienter portare,*

ASPERA, SED RECTA.

CXLVIII.




et persistere petitioni suae, annuatur ei ingressus; et fit in cella hospitem paucis diebus: postea autem fit in cella novitiorum, ubi meditetur, et manducet, et dormiat. Et senior ei talis deputetur, qui aptus sit ad lucrandas animas: qui super eum omnino curiose intendat, et sollicitus sit, si reuera DEVM quaerit, si sollicitus est ad opus DEI, ad obedientiam, ad opprobria. *Praedicentur ei omnia dura, et aspera, per quae itur ad DEVM.* Si promiserit de stabilitatis suae perseverantia, post duorum mensium




A D A R M A !

CXLIX.



circulum legatur ei haec regula per ordinem, et dicatur ei: *Ecce lex, sub qua militare vis: si potes obseruare, ingredi; si vero non potes, liber discede.* Si adhuc steterit, tunc ducatur in supradictam cellam nouitiorum, et iterum probetur in omni patientia. Et post sex mensium circuitum legatur ei regula, vt sciat, ad quod ingreditur. Et si adhuc stat, post quatuor menses iterum relegatur ei eadem regula. Et si habita secum deliberatione promiserit se omnia custodire, et cuncta sibi imperata seruare; tunc suscipia-




SAT DIV TENTARE LICET.

CL.



tur in congregatione sciens lege regulae constitutum, quod ei ex illa die non liceat de monasterio egredi, nec collum excutere de subiugo regulae, quam *sub tam morosa deliberatione licuit aut excusare, aut suscipere.* Suscipiendus autem in Oratorio coram omnibus promittat de stabilitate sua, et conuersione morum suorum, et obedientia coram DEO, et sanctis eius, vt si aliquando aliter fecerit, ab eo se damnandum sciat, quem irridet. De qua promissione sua faciat petitionem ad nomen Sanctorum, quorum reliquiae





NON CONFVNDETVR.

CLI.



ibi sunt, et Abbatis praesentis. Quam petitionem manu sua scribat: aut certe si non scit litteras, alter ab eo rogatus scribat; et ille nouitius signum faciat, et manu sua eam super altare ponat. Quam, dum posuerit, incipiat ipse nouitius hunc versum: *Suscipe me Domine secundum eloquium tuum, et viam; et non confundas me ab expectatione mea.* Quem versum omnis Congregatio tertio respondeat, adiungentes, Gloria Patri. Tunc ille frater nouitius prosternatur singulorum pedibus, ut orent pro eo:



OMNIBVS RELICTIS.

CLII.



et iam ex illa die in Congregatione reputetur. Res, si quas habet, aut eroget prius pauperibus, aut facta solemniter donatione conferat monasterio, *nihil sibi reseruans ex omnibus*; quippe qui ex illo die nec proprii corporis potestatem se habiturum sciat. Mox ergo in Oratorio exuatur rebus propriis, quibus vestitus est, et induatur rebus monasterii. Illa autem vestimenta, quibus exutus est, reponantur in vestiario conseruanda, vt, si aliquando suadente diabolo, consenserit, vt egrediatur de monasterio,




AB ADOLESCENTIA.

CLIII.




quod absit, tunc exutus rebus monasterii, proiiciatur. Illam tamen petitionem eius, quam desuper altare Abbas tulit, non recipiat: sed in monasterio reseruetur. CAPVT LIX. DE FILIIS NOBILIVM, VEL PAVPERVM, QVI OFFERVNTVR. *Si quis forte de nobilibus offert filium suum DEO in monasterio, si ipse puer minori aetate est, parentes eius faciant petitionem, quam supra diximus. Et cum oblatione ipsam petitionem, et manum pueri inuoluant in palla altaris, et sic eum offerant. De rebus autem suis aut*





LAQVEI MORTIS.

CLIV.



in praesenti petitione promittant sub iure iurando, quia nunquam per suspectam personam, nec quolibet modo ei aliquando aliquid dent, aut tribuant occasionem habendi. Vel certe si hoc facere noluerint, et aliquid offerre volunt in eleemosynam monasterio pro mercede sua; faciant ex rebus, quas dare volunt, monasterio donationem, reseruato sibi, si ita voluerint, usufructuario. Atque ita omnia obstruantur, vt nulla suspicio remaneat puero, per quam deceptus perire possit (quod absit) quod






NIHIL RELAXABITVR.

CLV.



experimento didicimus. Similiter autem et pauperiores faciant. Qui vero ex toto nihil habent, simpliciter petitionem faciant, et cum oblatione offerant filium suum coram testibus. CAPVT LX. DE SACERDOTIBVS, QVI FORTE VOLVERINT IN MONASTERIO HABITARE. *Siquis de ordine Sacerdotum in monasterio se suscipi rogauerit, non quidem ei citius assentiatur: tamen si omnino perstiterit in hac supplicatione, sciat se omnem regulae disciplinam seruaturum, nec aliquid ei relaxabitur, vt sit sicut scriptum est: Amice ad quid venisti?*




NON MALE QUADRANT.

CLVI.



Concedatur ei tamen post Abbatem stare, et benedicere, aut Missas tenere; si tamen iusserit ei Abbas: sin alias nullatenus aliqua praesumat, *sciens se disciplinae regulari subditum, et magis humilitatis exempla omnibus det.* Et si forte ordinationis, aut alicuius rei causa fuerit in monasterio, illum locum attendat, quando ingressus est in monasterium, non illum, qui ei pro reuerentia Sacerdotii concessus est. Clericorum autem si quis eodem desiderio monasterio sociari voluerit, loco mediocri collocetur. Et ipse tamen,



SALTANDVM AD MOREM.


CLVII.



si promittit de obseruatione regulae, vel propria stabilitate. CAPVT LXI. DE MONACHIS PEREGRINIS, QVALITER SVSCIPIANTVR. *Siquis monachus peregrinus de longinquis prouinciis superuenerit, si pro hospite voluerit habitare in monasterio, et contentus fuerit consuetudine loci, quam inuenerit; et non forte superfluitate sua perturbat monasterium, sed simpliciter contentus est, quod inuenerit, suscipiatur, quanto tempore cupit. Si qua sane rationabiliter, et cum humilitate caritatis reprehendit, aut ostendit; tractet Abbas prudenter,*

EXTRA CASTRA!

CLVIII.




ne forte eum pro hoc ipso Dominus direxerit. Si vero postea vo-
luerit stabilitatem suam firmare, non renuatur talis voluntas:
et maxime, quia tempore hospitalitatis potuit eius vita dignosci.
Quod si superfluus, aut vitiosus inuentus fuerit tempore hospita-
litis, non solum non debet sociari corpori monasterii; verum
etiam dicatur ei honeste, ut discedat: ne eius miseria etiam alii
vitientur. Quod si non fuerit talis, qui mereatur proiici, non so-
lum si petierit, suscipiatur Congregationi sociandus; verum etiam




TOTVS VBIQVE.

CLIX.




suadeatur, vt stet, vt eius exemplo alii erudiantur: quia *in omni loco vni Domino seruitur, et vni Regi militatur*. Quem etiam si talem esse perspexerit Abbas, liceat eum in superiore aliquantulum constituere loco. Non solum autem monachum, sed etiam de superscriptis gradibus Sacerdotum, vel Clericorum stabilire potest Abbas in maiori, quam ingreditur loco, si eorum talem perspexerit esse vitam. Caueat autem Abbas, ne aliquando de alio noto monasterio monachum ad habitandum suscipiat sine consensu Abbatis eius,



VT MAGIS PROFICIAT.

CLX.



aut litteris commendatitiis : quia scriptum est ; quod tibi non vis fieri, alteri ne feceris. CAPVTLXII. DE SACERDOTIBVS MONASTERII. Siquis Abbas sibi Presbyterum, vel Diaconum ordinari petierit, de suis eligat, qui dignus sit Sacerdotio fungi. *Ordinatus autem caueat elationem, aut superbiam.* Nec quicquam praesumat, nisi quod ei ab Abbate praecipitur, sciens se multo magis disciplinae regulari subditum. *Nec occasione Sacerdotii obliuiscatur regulae obedientiam, et disciplinam, sed magis, ac magis in DEVM proficiat.* Locum





NON EST CONVENIENS.

CLXI.




vero illum semper attendat, quo ingressus est in monasterio, praeter officium altaris, etsi forte electio Congregationis, et voluntas Abbatis pro vitae merito eum promovere voluerit. Qui tamen *regulam a Decanis, vel Praepositis constitutam sibi servare sciat. Quod si aliter praesumpserit, non Sacerdos, sed rebellio iudicetur*: et saepe admonitus si non correxerit, etiam Episcopus adhibeatur in testimonium. Quod si nec sic emendaverit, clarescentibus culpis proiiciatur de monasterio; si tamen talis fuerit eius contumacia,




LVMINIS AD NVTVM.

CLXII.




vt subdi, aut obedire Regulae nolit. CAPVT LXIII. DE ORDINE CONGREGATIONIS. Ordines suos in monasterio ita conseruent, vt conuersionis tempus, et vitae meritum discernit, vtque Abbas constituerit. Qui *Abbas non conturbet gregem sibi commissum, nec quasi libera vtens potestate, iniuste disponat aliquid: sed cogitet semper, quia de omnibus iudiciis, et operibus suis redditurus est DEO rationem.* Ergo secundum ordines, quos constituerit, vel quos habuerint ipsi fratres, sic accedant ad pacem, ad communionem, ad




PRIOR TEMPORE POTIOR IVRE.

CLXIII.




Pſalmum imponendum, in choro ſtandum. Et in omnibus omnino locis aetas non discernat ordines, nec praeiudicet, quia Samuel, et Daniel pueri Presbyteros iudicauerunt. Ergo exceptis his, quos, vt diximus, altiori conſilio Abbas praetulerit, vel degradauerit certis ex cauſis, reliqui *omnes, vt conuertuntur, ita ſint: vt verbi gratia, qui ſecunda hora diei venerit in monaſterium, iuniorẽ ſe nouerit illo eſſe, qui prima hora venit diei, cuiuslibet aetatis, aut dignitatis ſit.* Pueris per omnia ab omnibus discipuli-





DIGNVS HONORE.

CLXIV.



na conseruata. Iuniores igitur Priores suos honorent: Priores iuniores suos diligant. In ipsa appellatione nominum, nulli liceat alium puro nomine appellare: sed Priores iuniores suos fratrum nomine; iuniores autem Priores suos Nonnos vocent: quod intelligitur paterna reuerentia. *Abbas* autem, *quia vices Christi agere creditur, Dominus, et Abbas vocetur, non sua assumptione, sed honore, et amore Christi. Ipse autem cogitet, et sic se exhibeat, vt dignus sit tali honore.* Vbicunque autem sibi ob-





HONORE INVICEM PRAEVENIENTES.

CLXV.




uiant fratres, iunior a priore benedictionem petat. Transeunte maiore, minor surgat, et det ei locum sedendi. Nec praesumat iunior confedere, nisi ei praecipiat senior suus: vt fiat, quod scriptum est: *Honore inuicem praeuenientes*. Pueri, parui, vel adolentes in Oratorio vel ad mensas cum disciplina ordines suos consequantur. Foris autem vel vbi vbi custodiam habeant, et disciplinam, vsque dum ad intelligibilem aetatem perueniant. CAPVT LXIV. DE ORDINANDO ABBATE. In Abbatis ordinatione illa semper




IN VNA SEDE MORENTVR.

CLXVI.




consideretur ratio, vt hic constituatur, quem sibi omnis concors Congregatio secundum timorem DEI, siue etiam pars, quamuis parua Congregationis, saniori consilio elegerit. *Vitae autem merito, et sapientiae doctrina eligatur, qui ordinandus est, etiamsi vltimus fuerit in ordine Congregationis.* Quod si etiam omnis Congregatio vitiis suis, quod quidem absit, consentientem personam pari consilio elegerit, et vitia ipsa aliquatenus in notitia Episcopi ad cuius dioecesin pertinet locus ipse, vel Abbatibus, aut vicinis




QVALE ONVS.

CLXVII.




Christianis claruerint; prohibeant prauorum praeualere consensum, et domui DEI dignum constituent dispensatorem; scientes pro hoc se recepturos mercedem bonam, si illud caste, et zelo DEI faciant: sicut e diuerso peccatum, si negligant. *Ordinatus* autem *Abbas cogitet semper, quale onus suscepit, et cui redditurus est rationem villicationis suae.* Sciatque sibi oportere prodesse magis, quam praeesse. Oportet ergo eum esse doctum lege diuina, vt sciat, et fit, vnde proferat noua, et vetera, castum, sobrium, misericor-




NE QUID NIMIS.

CLXVIII.




dem, semper superexaltet misericordiam iudicio, ut idem ipse consequatur. Oderit vitia, diligat fratres. *In ipsa autem correptione prudenter agat, et ne quid nimis: ne, dum nimis cupit eradere aeruginem, frangatur vas: suamque fragilitatem semper suspectus sit, memineritque calamum quassatum non conterendum.* In quibus non dicimus, ut permittat nutriri vitia, sed prudenter, et cum caritate ea amputet, ut viderit cuique expedire, sicut iam diximus; et studeat plus amari, quam timeri. Non fit turbulentus, et an-




VRGET, ET DESTRVIT.

CLXIX.



xius, non sit nimius et obstinatus; non sit zelotypus, et nimis suspiciosus; quia nunquam requiescet. In ipsis imperiis suis sit providus, et consideratus, siue secundum DEVM, siue secundum saeculum sint. *Opera, quae iniungit, discernat, et temperet, cogitans discretionem sancti Iacob, dicentis: Si greges meos plus in ambulando fecero laborare, morientur cuncti una die.* Haec ergo, aliaque testimonia discretionis matris virtutum sumens, sic omnia temperet, vt sit, quod et fortes cupiant, et infirmi non refugiant.



SINE GLOSSA, SINE GLOSSA!

CLXX.



Et praecipue, ut praesentem regulam in omnibus conseruet ; ut, dum bene ministraverit, audiat a Domino, quod seruus bonus, qui erogauit triticum conseruis suis in tempore suo ; Amen dico vobis, ait: super omnia bona sua constituet eum. CAPVT LXV. DE PRAEPOSITO MONASTERII. Saepius quidem contingit, ut per ordinationem Praepositi scandala grauia in monasteriis oriantur, dum sint aliqui maligno spiritu superbiae inflati, et aestimantes se secundos Abbates esse, assumentes sibi tyrannidem scandala nutriunt,



OMNES SEQVANTVR VOCEM.

CLXXI.



et diffensiones in Congregatione faciunt, et maxime in illis locis, ubi ab eodem sacerdote, vel ab eisdem Abbatibus, qui Abbatem ordinant, ab ipsis etiam et Praepositus ordinatur. Quod quam sit absurdum, facile aduertitur: quia ab ipso initio ordinationis materia ei datur superbiendi, dum ei suggeritur a cogitationibus suis, exutum eum esse a potestate Abbatis sui; quia ab ipsis est ordinatus, a quibus et Abbas. Hinc suscitantur inuidiae, rixae, detractio- nes, aemulationes, diffensiones, exordinationes. Et dum con-



VNIVS IN ARBITRIO.

CLXXII.




traria sibi inuicem Abbas, Praepositusque sentiunt, et ipforum
neceffe est sub diffensione animas periclitari, et ii, qui sub ipsis
sunt, dum adulantur partibus, eunt in perditionem. Cuius peri-
culi malum illos respicit in capite, qui talibus in ordinatione se fe-
cerunt auctores. Ideoque *nos praeuidemus expedire propter pa-
cis caritatisque custodiam, in Abbatis pendere arbitrio ordinatio-
nem monasterii sui*, et si potest fieri, per Decanos ordinetur,
vt antea disposuimus, omnis vtilitas monasterii, prout Abbas di-



LICET EXTINGCTIS ALIIS.


CLXXIII.



spofuerit: vt dum pluribus committitur, vnus non superbiat
Quod fi aut locus expetit, aut Congregatio petierit, ratio-
nabiliter cum humilitate, et quemcunq; elegerit Abbas cum
confilio fratrum timentium DEVM, ordinet ipfe fibi Praepofi-
tum. Qui tamen Praepofitus illa agat cum reuerentia, quae ab
Abbate fuo ei iniuncta fuerint; nihil contra Abbatis volunta-
tem, aut ordinationem faciens: quia *quantum praelatus eft*
ceteris, ita eum oportet follicitius obferuare praecepta Regulae.

INEPTISSIMVM.


CLXXIV.




Qui *Praepositus*, si repertus fuerit vitiosus, aut elatione deceptus *superbiae*, aut contemtor sanctae *Regulae* fuerit comprobatus, admoneatur verbis vsque quater; si non emendauerit, adhibeatur ei correctio disciplinae regularis. Quod si neque sic correxerit, tunc *deiciatur de ordine Praepositurae*, et alius, qui dignus est, in loco eius *subrogetur*. Quod si et postea in *Congregatione* quietus, et obediens non fuerit, etiam de monasterio expellatur. Cogitet tamen *Abbas*, se de omnibus iudi-

CONSIDERATE TRADENDVS.

CLXXV.



ciis suis DEO redditurum rationem, ne forte inuidiae, aut zeli flamma vrat animam. CAPVT LXVI. DE OSTIARIO MONASTERII. *Ad portam monasterii ponatur senex sapiens, qui sciat accipere responsum, et reddere: cuius maturitas eum non sinat vagari.* Qui portarius cellam debet habere iuxta portam; vt venientes semper praesentem inueniant, a quo responsum accipiant. Et mox vt aliquis pulsauerit, aut pauper clamauerit, DEO gratias respondeat, aut benedicat: et cum omni mansuetudine timoris




NON EXPEDIT ANIMABVS EORVM.

CLXXVI.




DEI reddat responsum festinanter cum feruore caritatis. Qui portarius si indiget solatio, iuniorem fratrem accipiat. *Monasterium* autem, si potest fieri, *ita debet constitui, ut omnia necessaria, id est, aqua, molendinum, hortus, pistrinum, vel artes diuersae, intra monasterium exerceantur, ut non sit necessitas monachis vagandi foras; quia omnino non expedit animabus eorum.* Hanc autem Regulam saepius volumus in Congregatione legi, ne quis fratrum de ignorantia se excuset.





SVNT PORTA MALORVM.

CLXXVII.




CAPVT LXVII. DE FRATRIBVS IN VIAM DIRECTIS. Dirigendi fratres in viam omnium fratrum, vel Abbatis orationi se commendent: et semper ad orationem vltimam Operis DEI commemoratio omnium absentium fiat. *Reuertentes autem de via fratres in ipso die, quo redeunt, per omnes canonicas horas, dum expletur Opus DEI, prostrati solo Oratorii ab omnibus petant orationem propter excessus: ne quid forte subriperit in via visus, aut auditus malae rei, aut otiosi*



GERRAE GERRAE!

CLXXVIII.




sermonis. *Nec praesumat quisquam alii referre, quaecunque foris monasterium viderit, aut audierit: quia plurima destructio est. Quod si quis praesumserit, vindictae regulari subiaceat. Similiter et qui praesumserit claustra monasterii egredi, vel quocunque ire, vel quidpiam quamuis parum sine Abbatis iussione facere.*

CAPVT LXVIII. SI FRATRI IMPOSSIBILIA INIUNGANTVR. Si cui fratri aliqua forte grauia, aut impossibilia iniunguntur; suscipiat quidem iubentis imperium cum omni mansuetudine, et obe-



FIRMA FIDE.

CLXXIX.




dientia. Quod si omnino virium suarum mensuram viderit pondus oneris excedere; impossibilitatis suae causas ei, qui sibi praest, patienter, et opportune suggerat, non superbiendo, aut resistendo, vel contradicendo. Quod si post suggestionem suam in sua sententia Prioris imperium perdurauerit, sciat iunior, ita sibi expedire, et ex caritate confidens de adiutorio DEI, obediat. CAPVT LXIX. VT IN MONASTRIO NON PRAESVMAT ALTER ALTERVM DEFENDERE. Praecauendum est,




DEFENSIO OFFENSIO.

CLXXX.




ne quavis occasione praesumat alter alium defendere monachum in monasterio, aut quasi tueri: etiamsi qualibet consanguinitatis propinquitate iungantur. Nec quolibet modo id a monachis praesumatur: quia exinde grauissima occasio scandalorum oriri potest. Quod si quis haec transgressus fuerit, acrius coerceatur. CAPVT LXX. VT NON PRAESUMAT PASSIM QVISQVAM ALIVM CAEDERE. Vetetur in monasterio omnis praesumptionis occasio. Constituimus, vt nulli liceat quemquam fratrum suorum ex-



CVM MENSURA, ET RATIONE.

CLXXXI.



communicare, aut caedere; nisi cui potestas ab Abbate data fuerit. Peccantes autem coram omnibus arguantur: vt ceteri metum habeant. *Infantum vero usque ad quindecim annorum aetates disciplinae diligentia ab omnibus, et custodia sit. Sed et hoc cum omni mensura, et ratione.* Nam in fortiori aetate qui praesumerit aliquatenus sine praecepto Abbatis, vel in ipsis infantibus sine discretionem exarserit, disciplinae regulari subiaceat; quia scriptum est „ Quod tibi



•



OBTEMPERANTI.

CLXXXII.



„ non vis fieri , alii ne feceris. CAPVT LXXI. VT OBE-
DIENTES SINT SIBI INVICEM. *Obedientiae bonum non solum
Abbati exhibendum est ab omnibus : sed etiam sibi inuicem
ita obediunt fratres , scientes se per hanc obedientiae viam
ituros ad DEVM.* Praemisso ergo Abbatis , aut Prae-
positorum , qui ab eo constituuntur , imperio , cui non per-
mittimus priuata imperia praeponi , de cetero omnes iunio-
res Prioribus suis omni caritate , et sollicitudine obediunt.



AD TERRAM CULMINA PONTI.

CLXXXIII.




Quod si quis contentiosus reperitur, corripiatur. *Siquis autem frater pro quavis minima causa ab Abbate, vel a quocunque Priore suo corripiatur quolibet modo; vel si leuiter senserit animum Prioris cuiuscunque contra se iratum, vel commotum, quamuis modice; mox sine mora tamdiu prostratus in terra ante pedes eius iaceat satisfaciens, usque dum benedictione sanetur illa commotio.* Quod si quis contemserit facere, aut corporali vindictae subiaceat; aut si contumax fuerit, de



SEPARAT A BONO , SEPARAT A MALO.

CLXXXIV.




monasterio expellatur. CAPVT LXXII. DE ZELO BONO ,
QVEM DEBENT HABERE MONACHI. *Sicut est zelus amaritu-*
dinis malus , qui separat a DEO , et ducit ad infernum : ita
est zelus bonus , qui separat a vitiis , et ducit ad DEVM ,
et ad vitam aeternam. Hunc ergo zelum feruentissimo amo-
re exercent monachi ; id est , vt honore se inuicem praeue-
niant. Infirmities suas siue corporum , siue morum patientissime
tolerent : obedientiam sibi certatim impendant. Nullus , quod sibi




NHIL SINE PRIMO.

CLXXXV.




utile iudicat, sequatur, sed quod magis alii. Caritatem fraternitatis casto impendant amore; DEVM timeant: Abbatem suum sincera, et humili caritate diligant. Christo omnino nihil praeponant, qui nos pariter ad vitam aeternam perducatur. CAPVT LXXIII. DE EO, QVOD NON OMNIS OBSERVATIO IVSTITIAE IN HAC SIT REGVLA CONSTITVTA. *Regulam autem hanc descripsimus, ut eam obseruantes in monasteriis aliquatenus vel honestatem morum, aut initium conuersationis nos demonstremus habere.* Ceterum ad per-




SINE DIVERTICULO.

CLXXXVI.



fectionem conuersionis qui festinat, sunt doctrinae sanctorum Patrum: quarum obseruatio perducit hominem ad celsitudinem perfectionis. Quae enim pagina, aut quis sermo diuinae auctoritatis veteris, ac noui Testamenti, non est rectissima norma vitae humanae? Aut quis liber sanctorum catholicorum Patrum hoc non resonat, vt *recto cursu perueniamus ad Creatorem nostrum?* Nec non et collationes Patrum, et instituta, et vita eorum; sed et regula sancti Patris nostri Basilii, quid aliud sunt, nisi bene uiuen-



FACIENTIBVS, NON SCIENTIBVS.

CLXXXVII.



tium, et obedientium monachorum instrumenta virtutum? Nobis autem desidiosis, et male viuentibus, atque negligentibus, rubor confusionis est. *Quisquis ergo ad patriam caelestem festinas, hanc minimam inchoationis Regulam descriptam adiuvante Christo, perfice: et tunc demum ad maiora, quae supra commemorauimus, doctrinae, virtutumque culmina, DEO protegente, peruenies.*

Facientibus haec Regna patebunt superna, Amen.

I N D E X
CAPITVM REGVLAE
SANCTISSIMI P. BENEDICTI.

	Pag.
Prologus.....	I
CAPVT I. De generibus vel vita monachorum.....	12
CAPVT II. Qualis debeat esse Abbas.....	15
CAPVT III. De adhibendis ad consilium fratribus.....	24
CAPVT IV. Quae sint instrumenta bonorum operum.....	27
CAPVT V. De Obedientia.....	33
CAPVT VI. De Taciturnitate.....	37
CAPVT VII. De Humilitate.....	39
CAPVT VIII. De Officiis diuinis in noctibus.....	55
CAPVT IX. Quanti psalmi dicendi sint in nocturnis horis.....	56
CAPVT X. Qualiter aestatis tempore agatur nocturna laus.....	59
CAPVT XI. Qualiter dominicis diebus Vigiliae agantur.....	60
CAPVT XII. Quomodo Matutinorum solemnitatis agatur.....	63
CAPVT XIII. Priuatis diebus qualiter Matutini agantur.....	63
CAPVT XIV. In natalitiis Sanctorum qualiter agantur Vigiliae.....	66
CAPVT XV. Alleluia quibus temporibus dicatur.....	67
CAPVT XVI. Qualiter diuina opera per diem agantur.....	68
CAPVT XVII. Quot psalmi per easdem horas canendi sunt.....	69
CAPVT XVIII. Quo ordine ipsi psalmi dicendi sunt.....	71
CAPVT XIX. De disciplina psallendi.....	78
CAPVT XX. De reuerentia Orationis.....	79
CAPVT XXI. De Decanis monasterii.....	80
CAPVT XXII. Quomodo dormiant monachi.....	81
CAPVT XXIII. De excommunicatione culparum.....	83
CAPVT XXIV. Qualis debeat esse modus excommunicationis.....	84
CAPVT XXV. De grauioribus culpis.....	85
CAPVT XXVI. De iis, qui sine iussione Abbatis iunguntur excommunicatis.....	86
CAPVT XXVII. Qualiter debeat Abbas sollicitus esse circa excommunicatos.....	87
CAPVT XXVIII. De iis, qui saepius correcti non emendauerint.....	89
CAPVT XXIX. Si debeant iterum recipi fratres exeuntes de monasterio.....	91
CAPVT XXX. De pueris minori aetate, qualiter corripiantur.....	92
CAPVT XXXI. De cellerario monasterii, qualis sit.....	93
CAPVT XXXII. De ferramentis, vel rebus monasterii.....	96
CAPVT XXXIII. Si quid debeant monachi proprium habere.....	97
CAPVT XXXIV. Si omnes aequaliter debeant necessaria accipere.....	98
CAPVT XXXV. De septimanariis coquinae.....	100
CAPVT XXXVI. De infirmis fratribus.....	103
CAPVT XXXVII. De senibus vel infantibus.....	105
CAPVT XXXVIII. De hebdomadario lectore.....	105
CAPVT XXXIX. De mensura ciborum.....	108
CAPVT XL. De mensura potus.....	110
CAPVT XLI. Quibus horis oporteat reficere fratres.....	112

	Pag.
CAPVT XLII. Vt post completorium nemo loquatur.....	114
CAPVT XLIII. De iis, qui ad opus DEI, vei ad mensam tarde occurrunt....	116
CAPVT XLIV. De iis, qui excommunicantur, quomodo satisfaciant.....	120
CAPVT XLV. De iis, qui falluntur in Oratorio.....	122
CAPVT XLVI. De iis, qui in aliis quibuslibet rebus delinquant.....	123
CAPVT XLVII. De significanda hora operis DEI.....	124
CAPVT XLVIII. De opere manuum quotidiano.....	125
CAPVT XLIX. De Quadragesimae obseruatione.....	130
CAPVT L. De fratribus, qui longe ab Oratorio laborant, aut in via sunt..	132
CAPVT LI. De fratribus, qui non satis longe proficiuntur.....	133
CAPVT LII. De Oratorio monasterii.....	134
CAPVT LIII. De hospitibus suscipiendis.....	135
CAPVT LIV. Si debeat monachus litteras, vel aliquid suscipere.....	139
CAPVT LV. De vestiario, et calcario fratrum.....	140
CAPVT LVI. De mensa Abbatis.....	145
CAPVT LVII. De artificibus monasterii.....	145
CAPVT LVIII. De disciplina suscipiendorum fratrum.....	147
CAPVT LIX. De filiis nobilium, vel pauperum, qui offeruntur.....	153
CAPVT LX. De sacerdotibus qui forte voluerint in monasterio habitare....	155
CAPVT LXI. De monachis peregrinis qualiter suscipiantur.....	157
CAPVT LXII. De sacerdotibus monasterii.....	160
CAPVT LXIII. De ordine congregationis.....	162
CAPVT LXIV. De ordinando Abbate.....	165
CAPVT LXV. De Praeposito monasterii.....	170
CAPVT LXVI. De Ostiariis monasterii.....	175
CAPVT LXVII. De fratribus in viam directis.....	177
CAPVT LXVIII. Si fratri impossibilia iniungantur.....	178
CAPVT LXIX. Vt in monasterio non praesumat alter alterum defendere.....	179
CAPVT LXX. Vt non praesumat passim quisquam alium caedere.....	180
CAPVT LXXI. Vt obedientes sint sibi inuicem.....	182
CAPVT LXXII. De Zelo bono, quem debent habere monachi.....	184
CAPVT LXXIII. De eo, quod non omnis obseruatio iustitiae in hac sit Regu- la constituta.....	185

SPHALMATA.

Pag.	9	Lin.	3	post <i>expectat</i> deleatur <i>nos</i> .
—	15	—	5	post <i>implere</i> , muta in .
—	18	—	4	post <i>inueniatur</i> punctum muta in :
—	19	—	ult.	pro <i>aliis</i> lege ab <i>aliis</i> .
—	22	—	1	pro <i>Memnisse</i> lege <i>Meminere</i> .
—	—	—	2	post <i>Abbas</i> infere quod <i>est</i> , <i>meminere</i> .
—	—	—	ult.	dele <i>etiam</i> .
—	27	—	1	pro <i>consiliis</i> lege <i>consilio</i> .
—	34	—	6	pro <i>ex occupatis</i> lege <i>exoccupatis</i> .
—	40	—	4	pro <i>feliciter</i> lege <i>velociter</i> .
—	56	—	5	pro <i>Nocturnis</i> lege <i>Nocturnis</i> .
—	71	—	ult.	post <i>Versus</i> ponatur comma.
—	83	—	6	post <i>Domini</i> adde <i>nostri</i> .
—	129	—	2	pro <i>fabuli</i> lege <i>fabulis</i> .
—	133	—	5	pro <i>ibi</i> lege <i>sibi</i> .
—	140	—	2	post <i>litteras</i> deleatur <i>aut</i> .
—	144	—	ult.	pro <i>autem</i> lege <i>tamen</i> .
—	147	—	4	pro <i>discipline</i> lege <i>disciplina</i> .
—	175	—	2	pro <i>Ostiaro</i> lege <i>Ostiaris</i> .

Cetera minora, quae contra orthographiam praesertim irrespere menda, beneuolus lector facile corriget.

oil RT

020

375

drpis





